

史料旬刊

第三十三期



中華民國二十年四月二十一日出版



史料旬刊第三十三期

編輯所 故宮博物院文獻館

發行所 神武門外發售室

印刷所 京華印書局

		價目表	
		每旬一冊	預定半年
郵費	外埠	四角	十八冊半年
	國外	六角五角	三十六冊全年
費	每期一角	十二元	
	每期二角		
本院發寄刊物均交郵局掛號遞送以免遺失			

本市 商務印書館 中華書局

上海 文明書局 世界書局及

天津 其他各大書店均有代售

史料旬刊第三十三期目錄

四川巡撫王士俊密陳四事摺 原件藏三所

清乾隆九十兩年科場案 原件藏大高殿

(一) 上諭

(二) 上諭二

(三) 上諭三

(四) 上諭四

(五) 上諭五

(六) 上諭六

(七) 哈達哈等摺

(八) 上諭七

(九) 上諭八

(十) 上諭九

(十一) 上諭十

(十二) 上諭十一

(十三) 上諭十二

(十四) 上諭十三

(十五) 上諭十四

(十六) 周學健摺

(十七) 周學健摺二

(十八) 阿里袞摺

(十九) 準 泰摺

(二十) 蔣 溥摺

(廿一) 陳弘謀等摺

清乾隆朝福建督撫伍拉納浦霖等受賄被誅案 原件藏大高殿

(一) 長 麟 魁 摺 十二

(二) 上諭六

(三) 廷寄四

(四)長 麟摺三

清道光朝關稅案 原件藏大高殿

(一)廣 泰摺

(二)阿爾邦阿摺

(三)嘉 祿摺

(四)晉 昌摺
舒明阿摺

(五)魏元煜摺

四川巡撫王士俊密陳四事摺

署理四川巡撫兵部侍郎臣王士俊謹奏爲微臣受恩深重冒罪密陳恭祈睿

鑒事竊臣讀虞書上有堯舜之君硃批朕不下有臯夔之臣硃批汝亦非其人亦即萬

邦協和四方風動矣而吁咈時聞儆戒不怠自後世希榮固寵之習盛硃批朕

也但此奏乃託以爲直硃批既聰於是唯阿取容有將順而無匡救臣嘗恥之硃批

賢者所惡不可相比硃批試指出那一句來硃批且如臣者曾被摺摭劾議而皇上知臣強幹知臣才力不

忍棄置尙欲造就凡有芻蕘之獻均蒙採擇復委以封疆重寄臣敢不竭盡駑

駘力承驅策顧臣在京四月竊見近事數端或有傷我皇上純孝之心者有侵

官曠事漸虞其兩失者至辦理政務有專尙揣摩以希稱旨者硃批此係實有

能有本朝廷愛惜人才盛心竟至徇情納賄爲士宦捷徑者硃批此事但汝亦不能

免每一念及中心踧踖而不寧正欲繕摺密奏旋奉恩命署理四川巡撫俞旨

敦迫匆猝就道今抵任逾旬謹就臣淺鄙愚衷冒昧直陳惟我皇上俯賜垂鑒

焉臣伏見世宗憲皇帝御宇十有三年朝乾夕惕事無鉅細悉斷自宸衷而廣

詢博採但有裨於國計民生雷厲風迅即時見之施行薄海率土莫不欽仰英

明於是由部院大僚以暨州縣牧令爭尙濯磨洗剔之舉迨行之既久稍有積

重難返之勢如錢糧不當糜費隱匿刑罰不可姑息養奸原屬國家成憲乃諸

臣奉行不善硃批實實如是或則較及錙銖心計百出以搜查爲能事視牽連如故常

而錢糧之苛刻者多矣或則以刻爲明淫刑以逞桁楊多負屈之體膚囹圄有

覆盆之極梏而刑罰之協中者寡矣硃批謾謗莫甚焉亦何至於若是之甚且汝彼時非身居督撫者乎此皆積重

之流弊實非先帝整飭之過峻也即如雍正初年人情玩易官方弛散故凡用

人之際遷調改斥不少假借所謂琴瑟不調則改弦而更張之原非加諸膝墮

諸淵之謂八年以後日漸和平蓋亦其時爲之耳況在今日已屬事後硃批既屬事後

汝何庸更論即使當時不無過舉亦宜慎持大體或密切指陳或旁引曲喻先去其

已甚俾司其事者漸曉然於聖主立意之寬厚俟一二年間潛移而遞更可也

乃固寵希榮之輩少年新進之流輒敢斥某事爲雍正某年某月奉旨云云甚

有對衆揚言今日只須將世宗時事翻案卽係好條陳之語傳之天下甚駭聽

聞硃批天下既已聽聞汝何告朕之晚耶且朕從未之前聞則不聽亦甚矣此臣所謂有傷我皇上純孝之心者也

周官三公論道經邦三孤貳公敷化其職在燮理寅亮疑丞保傅之任將於是

乎寄焉史傳所載問以錢穀不知詢以兵刑不答其所重固有在矣今大學士等居機務之要地參帷幄之密謀乃復兼理部務下親庶事甚非所以專啓沃之任也且思一部之中總領有尙書商權有左右侍郎位非不尊人非不衆設遇盤錯當益別利器耳若使虛擁高位坐待大學士之籌畫即是不能稱職六卿爲天子重臣豈宜如此尸素即謂尙書現有出差者然滿漢尙書或有一人在部即使俱經奉差今日之侍郎即異日之尙書豈其於承辦案件猶茫無定見徒糜厚祿以旅進旅退乎況臣見大學士兼管之部尙書等卽不敢專主而大學士又不得時常到部每至部案山積此非徒無益也抑大學士朝夕端揆凡各部章奏之入原宜論思獻替豈徒循習具文何必親辦部務以致不能兼顧此臣私心以爲亟當懇請諭旨大學士停其兼理部務各歸職守以重責成

硃批此係皇考既行之事汝欲朕更張乎何自相矛盾乎且大學士中若無與汝爲忤者汝亦不爲此奏矣

至文武黜陟簿書會計

乃用人行政之大端也

硃批若此居心巧詐藉直言之名而巧中己之欲朕斷不容也

今各省督撫或保題職

官或辦理案件奉旨議覆察核所謂一日二日萬幾我皇上聰明天縱即能人鑒其優劣事酌其機宜而動煩聖慮古今來亦無此制治之體所賴諸大

臣各秉公忠司官遵守成例是非好惡一憑之於理法自然公正無偏

硃批此係實有

之事即汝在部若得權恐比此更甚弊何能盡除哉

乃臣見聞所及各部辦事多預存一私意計較某省

督撫正在褒嘉其事宜准某省督撫方得不是其事宜駁於是例不應准者有雖與例未協據該督撫某云云應如所請甚或竟朦混題准矣例不應駁者則尋間抵隙有雖與例相符但某某未據該督撫聲明應令具覆至日再議甚或竟朦混題駁矣此其事始於堂官之迎合而授意司官繼且有司官之探聽而挾制回堂終至作奸胥吏乘機撞騙喝詐上下其手爲弊有不可究詰者其中大臣多有並無他意止以如此則稱旨而誤蹈欺罔至於不可復道蓋其事順而易行其習錮而難破臣愚以爲此在我皇上就事論事因物付物辨別大臣之從違審視定議之可否則源清而流自不濁已抑我皇上軫念人才難得下至罪誤罷斥之員亦不忍其放廢終身或因學問稍覺優裕或因政事尙屬練習但具片長之可錄卽令登進之有階雖古所稱旁求俊乂立賢無方又何以加焉此在爲大臣者懼竊位之譏慕進賢之賞矢公爾忘私之義盡以人事君之忠不避親仇無嫌同異良亦千載一時也乃起用廢員之旨方頒而奔走達

官之門如市始猶採取聲聞故所引用者尙能稍慰當時之望繼乃瞻徇情面則所薦拔者久已漸啓旁觀之疑甚至近日求用者到處鑽營矣具保者多加德色矣引類呼朋而交互囑托不遠朝堂之上公然執手而談矣稱師認弟而巧索酬謝縱貽形影之羞亦復靦顏不忤矣又安望所舉人員有守有爲將來爲國家宣猷効力哉臣愚以爲欲定各員之賢否先觀薦者之公私

硃批如此則朝廷無

一人可用矣

竊見所舉爲端方公正之大臣其人多持重而每似迂闊所舉爲機警

明辨之大臣其人必捷給而或入輕浮則惟我皇上留意保舉大臣如有事故即照濫舉匪人例議處庶可以少杜私門而人才輩出矣以上四事臣自出都以屆入蜀涉水登山未嘗少釋孟子曰責難於君謂之恭陳善閉邪謂之敬故知無不言言無不盡臣之分也

硃批汝此巧僞之談豈可取聖賢之言自比可謂非聖者無法

况遭逢聖主從

諫如流求言若不及而或懼撓大臣之怒恐爲同列所忌隱忍緘默而不敢發清夜捫心亦何以自立於天地之間乎且諸臣藉翻駁舊案以沽直則忠孝之誼衰閣臣以兼攝部務爲効勤則侵曠之患大衆習迎合以成風將是非不免倒置而予奪之用輕羣借奔競以干進即風氣亦爲囂凌而選舉之途雜其爲

人心治道所關係豈淺鮮哉爲此據實密摺奏聞伏祈皇上睿鑒施行臣不勝
悚息待命之至臣謹奏乾隆元年七月初四日

硃批朕棄瑕錄用實是憐汝才幹尙屬有爲故汝臨去之時朕何等訓諭乃汝
巧僞居心私欲不能盡除而爲此藉直言之名遂已私之事汝試思朕豈不能
察汝之主哉若不能察汝則朕不用汝矣汝四條所陳謂今之條陳率欲翻駁
前案羣臣之翻駁前案即朕之翻案也朕翻案者何事大學士之兼部乃皇考
之成憲汝欲朕改之非翻案乎惟部議舉人兩條目下不無其弊但此弊亦非
一日矣即使汝在部汝能免乎故論語云爲君難且莫舉天祖付託之重民物
仰賴之殷爲難即此用人一段千難萬難者也但此亦自知其難耳旁無一人
可語而汝輩僉邪之人又安足與語哉汝藉直陳之名而行己私天理何在汝
不畏哉昨日傳臬亦如此舉動大覺可笑汝等姑靜俟之若謂朕爲拒諫汝再
明白直陳來

乾隆元年七月二十九日總理事務王大臣及九卿等奉上諭昨王士俊密奏一摺朕洞見其巧詐居心背理害道沽直之名以自遂其私披覽之下不勝痛恨比即嚴批申飭并將原摺發與總理事務王大臣及是日在乾清門奏事之九卿等公同閱視朕意以爲王大臣九卿深明大義次日必有參劾王士俊者乃止據口奏其陳奏之非而未劾其巧僞之罪今日御史舒赫德封章特參備陳王士俊喪心病狂妄發悖論不宜復加寬容仍畀封疆重任朕用是召入王大臣九卿等面諭之據王士俊第一條云近日條陳唯在翻駁前案甚有對衆揚言只須將世宗時事翻案卽係好條陳之說傳之天下甚駭聽聞等語夫指羣臣爲翻案是卽謂朕爲翻案矣此大悖天理之言也從來爲政之道損益隨時寬猛互濟記曰張而不弛文武勿爲弛而不張文武勿爲一張一弛文武之道文武豈有意於張弛哉亦日推而行之與民宜之耳昔堯因四岳之言而用鯀鯀治水九載績用勿成至舜而後殛鯀於羽山當日用鯀者堯也誅鯀者舜也豈得謂舜翻堯之案乎我皇考即位之初承聖祖仁皇帝深仁厚澤垂六十餘年之久休養生息物熾而豐厥後遂有法網漸弛風俗漸玩之勢皇考加

意振飭使綱紀整肅弊革風清凡此因勢利導之方正所以成繼志述事之善也又豈得謂翻皇祖之案乎皇考初政駿厲至雍正九年十年以來人心已知法度吏治已漸澄清未始不敦崇寬簡相安樂易見臣工或有奉行不善失於苛刻者每多救其流弊寬免體恤之恩時時下逮是卽十三載之中而劑酌盈虛調適競綏前後已非一轍矣至朕繼承不緒泣奉遺詔諭令向後政務應從寬者悉從寬辦理朕祇遵明訓衣德紹聞凡用人行政兢兢以皇考誠民育物之心爲心以皇考執兩用中之政爲政惟恐膠固成見有違時措咸宜之理弗勝負荷之重臨御以來與廷臣敬慎斟酌庶曰陟降庭止克綏予乎蓋皇祖皇考與朕心原無絲毫間別如果內外大小臣工俱能仰體使政治清平民生安樂可以垂之永久而無弊又何必更有因時制宜之舉無如法久自必弊生奉行每多過當不得不因畸重畸輕之勢而爲之維持調劑以歸於正直蕩平之道此至當不易之理乃王士俊嘗爲翻駁前案是誠何言是誠何心耶夫朕躬有所闕失惟患諸臣不竭慮盡心直言規切至於事關皇考而妄指前猷有意更張實朕所怵惕靡寧而不忍聞者也又據王士俊第二條稱大學士不宜兼

部之說尤見其自相矛盾挾私懷詐之情形纖毫畢露者矣大學士之兼部正
皇考之成憲王士俊欲朕改之是又導朕以翻案也彼意不過爲大學士鄂爾
泰而發以冀惑朕之聽夫朕豈爲僉壬所惑之主哉多見其不知量矣卽如王
士俊河南墾田一事市興利之美名而行剝民之虐政中外共憤人人切齒設
使此案敗露於皇考之時豈能稍爲寬宥乎彼回京時畏首畏尾一言不發今
見朕之復加擢用遂欲掩飾從前之罪且中傷與己不合之人撰爲邪說以覆
護之以爲前案不宜翻駁此則其設心之機詐有不可勝詰者至於第三條所
云各部辦事預存一私意計較某省督撫正在褒嘉其事宜准某省督撫方得
不是其事宜駁不論事理之當否而專以逢合爲心及第四條所云廷臣保舉
人員率多瞻徇情面甚至有巧索酬謝之事等語朕思部件題駁挾私心或
所不免保舉徇情夤緣賄囑亦難保其必無卽以近日廷臣論之如勵宗萬之
引薦不但徇情受託其保舉河員聞竟有納賄之事又傅鼐爲人奏求恩蔭一
事亦屬瞻顧情面爾廷臣受朕深恩豈因王士俊之妄言而遂不駁一事不薦
一人乎惟當清夜捫心此等陋習有則痛自湔除無則益加黽勉勿爲僉壬王

士俊輩之所訕笑以全朕簡任委用之顏面可也古稱爲君難即此用人一節已千難萬難矣但亦自知其難耳旁無一人可語者而王士俊僉邪小人又安足與語哉王士俊爲人巧詐衆所共知朕格外保全棄瑕錄用原念其尙有才幹或可造就姑令署理川撫陞辭之日朕何等諄諄訓諭乃巧詐之習牢不可破外飾梗直以便己私敢將悖理之言妄行陳奏關係重大不可姑恕將舒赫德參奏原摺交與王大臣九卿等會議具奏欽此

清乾隆九十兩年科場案

上諭

乾隆九年三月十九日內閣奉上諭科場爲掄才大典其正副考官必精於衡鑒者始克勝任今年鄉試屆期著大學士尙書侍郎於翰詹科道部屬等官應差主考人員內擇其人品端方學問醇正堪膺衡鑒之寄者各舉所知交送內閣彙奏候朕簡用其非科甲出身及無眞知灼見者亦不必強舉欽此

上諭二

乾隆九年三月十九日奉旨科場乃國家大典必期遴拔眞才以收實用積習相沿學臣於科舉之外復有錄遺大收等事臨場之際督撫大吏又將不取者不問文藝之優劣盡送入場濫觴已極是以上科經臣工條奏朕勅令九卿定議每舉人一名准取科舉百名此亦不爲不多矣夫國家之所以慎重科舉者原欲士子奮力於學業試官盡心於蒐羅以副掄才之典也今科臣吳煒乃請仍照舊例並蓄廣收則士子見入場之易不肯專心學問將應試者日益衆多

主考房官不過一二十人爲期不過二三十日豈能精心校閱盡得真才且試卷旣多而中額不廣則多取科舉仍屬無益若因此而議加中額則現在舉人非二三十年不得一官亦斷無因候選者多而議增天下職官之理不幾終身無仕進之日乎所謂及鋒而用者何居是中額尙應酌減卽科舉百名亦屬浮多祇因積習旣久不復議裁朕方自咎不免姑息而况可輾轉增添無所限極耶總之此輩非能爲國家實心求賢以佐國是不過取悅士類釣譽沽名動以人文日盛爲辭實則使士子徒懷倖幸之心不肯黽勉向學而國家亦不得收登進之實效也吳煒識見卑淺特行曉諭並使衆知之吳煒又稱順天鄉試南人看北卷北人看南卷則南人無所展其長北人不能勝其任等語向來順天試卷原未定有分閱之例後因臣工條奏恐有弊端是以勅令南北各自迴避但思文字短長南北原有微別且房考南人多而北人少士子則北卷少而南卷多人多而閱卷少未免於閑曠人少而閱卷多又患其不精且主考全閱通場房官卽有營私之處主考豈肯任其朦混則作弊之源不在乎此自可無庸膠柱鼓瑟其順天鄉試閱卷之處著仍照舊例行至吳煒所稱今當望雨之時

適多士鬱望之際等語此言甚爲悖謬目今場期尙遙士子何人自知不在百名之內而即懷鬱望之心且雨澤未降與科舉多寡何涉而吳煒乃欲借此爲言期朕必從其奏乎朕於人言不可者不行可者則自行之從不以人廢言也吳煒牽引無理之處甚屬不合著嚴飭行吳煒摺並發欽此

上諭三

乾隆九年四月初二日內閣奉上諭京察乃國家考績大典現在舉行之際恐各部院堂官瞻徇情面有濫列一等者著大學士於驗看過堂時慎重分別凡不稱一等者俱行裁去欽此

上諭四

乾隆九年七月二十四日內閣奉上諭科場大典爲人材所由出關係甚重我皇考加意整飭今內場之弊雖覺漸清而因循日久外場弊竇多端尙有不可枚舉者卽如懷挾一事倩人代作文字夾帶入場主司憑文取中無從知非己

出僥倖弋獲相習成風則是讀書作文皆可不用立身行己皆可不問何以名爲士子何由得見真才而國家寶典竟成虛設矣朕已嚴飭所司於今年科場實力稽查毋得虛應故事而凡爲士子者亦宜返心自省以讀書之本業進身之階梯而不務研求於平日惟思竄取於他人詭詐潛藏行同盜賊此等之人尙何望其蒞官分職爲國爲民清夜自思得不深自愧赧乎至於內簾職司文字雖暗通關節之弊近日未有所聞然衡鑑罕能精當文風未見振起且專意頭場而不重後場頭場之中又專意四書而不重經文夫設科之始定有經義論表判策者經所以考其根柢論所以試其識見表所以覘其淹洽判所以觀其斷制策所以驗其經濟事事皆切於士人之實用而不可偏廢夫然後名通淹雅之儒經綸幹濟之士庶幾出於科目之中爲國家臂指之用也今表文率多雷同竟爲南北通病在北人於聲律素所未協尙應稍寬其限令得加意習學至於南人本屬易能而不肯盡力剽襲相沿豈可任其暴棄自今以後司文衡者務思設立三場之本意於經義表判策論逐一詳加校閱以定去取毋得軒輊其間俾僥倖之徒無從獲售若尙積習相沿倘經九卿磨勘或科道

指參或被朕查出將主司與房官從重議處如是則雖未能奏效於旦夕而數科之後趨向自定實學共勉眞才可得於國家設科取士之事庶有裨益矣將此永著爲例欽此

上諭五

乾隆九年七月二十四日內閣奉上諭科場爲國家掄才大典關係綦重向來外場弊竇多端士子懷挾文字入場希圖弋獲此等無恥之習一日不除則眞才何由得出今年順天鄉試朕已降旨嚴飭所司實力稽查聞外省夾帶之風亦復間有不可不嚴行禁止著各省監臨提調等官於點名時嚴加搜檢片紙隻字不許攜帶入場務使弊絕風清毋得虛應故事至于主司衡文向來專重四書文字而忽于經義後場其實經文所以考其學後場所以驗其用各有深意無容軒輊其間嗣後主司應將三場文字悉行盡心閱看就優劣以定去取毋得草率從事該部遵諭速行欽此

上諭六

地一百九十九

乾隆九年八月初六日內閣奉上諭冒籍頂名例有嚴禁况歲科考試爲士子進身之始尤宜加意清釐以肅學政今據崔紀奏稱江蘇地方童生應試率皆彼此通融互考甚且有一人冒考數處或多做重卷數名以爲院試時售賣之地者通省皆然而松江府爲尤甚等語此種弊端所關士習匪淺朕思各府州縣皆有烟戶冊籍按籍而稽難以朦混誠於州縣考試之時童生報名查對烟戶無訛方許廩保填結府考院考俱令原保廩生識認則冒籍頂名之弊可除於士習不無裨益著該督撫轉飭所屬實力奉行不得視爲故事該學政亦不時稽察如有仍蹈前轍者查明按律究治該部即遵諭行欽此

哈達哈等摺

臣哈達哈臣舒赫德等謹奏臣等遵旨監同御史等將應試之滿漢貢監生員嚴搜懷挾情弊計共搜出生員同陵泰等二十一名除將該生等照科場條例立即於場前枷號示衆仍行文該部褫革外所有各該生姓名籍貫謹另繕清

單恭呈御覽爲此謹奏乾隆九年八月初九日

同陵泰鑲黃旗滿洲哈岱佐領下生員年二十二歲係少詹仙保之子在筐筓內夾帶經文

圖敏鑲黃旗滿洲青海佐領下生員年二十五歲係原任禮部郎中穆臣之子在褲帶上夾帶文字

常岱正白旗蒙古禧緣管領下生員內務府筆帖式年三十五歲係拜唐阿觀保之子在帽內夾帶文字

徐漢鑲藍旗漢軍金文淵佐領下生員年二十六歲係原任佐領徐錦之子在錫燭臺內夾帶經文

黃然正白旗漢軍董啓祚佐領下監生年三十八歲在帽纓上夾帶文字
賽明阿鑲藍旗覺羅博麟佐領下歲貢年三十七歲在帽子上夾帶經文

徐憲江南無錫縣監生年三十五歲在帽纓內夾帶經文
陸光遠江南太倉州監生年二十六歲在帽纓內夾帶經文

陳瞻江南太倉州監生年三十八歲在帽頂內夾帶經文

虞學鴻江南金壇縣監生年三十一歲係原任刑部主事虞欽元之子在袖縫

內夾帶經文

華公輔江南金匱縣監生加捐縣丞候選年二十六歲在褲襠內夾帶文字

章有年浙江湖州府歸安縣拔貢年三十三歲在帽頂內夾帶經文

趙璣浙江杭州府錢塘縣監生年三十四歲在衣服內夾帶文字

羅森江西建昌府南城縣監生年三十七歲在笏筓柄內夾帶文字

趙光德廣西鬱林州博白縣貢生年三十三歲貼在身上夾帶文字

宋師日雲南楚雄府拔貢生年三十歲在袖內夾帶文字

范如葵四川夔州府開縣歲貢在國子監肄業年四十二歲在帽胎內夾帶文

字

常文麟順天府良鄉縣生員年三十歲在帽頂內夾帶文字

路之清直隸河間府寧津縣生員年六十四歲在帽頂內夾帶表文

李柱順天府通州生員年三十九歲在褲襠內夾帶經文

靳福麟直隸深州饒陽縣生員年四十歲在戒尺內夾帶文字

上諭七

乾隆九年八月初九日內閣奉上諭國家賓興大典原欲得品行端方文學優
贍之人以爲朝廷有用之材成菁莪棫樸之治無如科場之中易藏弊竇我皇
考加意整頓數科以來內簾之關節已覺肅清而外簾夾帶等弊一時難除近
則日益加甚朕早已聞知屢行申飭至再至三並非不教而罰也今當鄉試之
年又復先期告誡以爲若輩自謹遵功令痛自悛改矣乃昨日頭場點名朕命
親近大臣數人前往監看竟搜出懷挾二十一人或藏於衣帽或藏於器具且
有藏於褻衣禪袴中者其喪心無恥至於此極朝廷之取士蓋欲用之也旣欲
用之朕安肯不重待之乃朕欲重待之而若輩自輕自賤若此以稱先法古之
徒竟同鼠竊狗偷之輩冥頑不靈不可化誨若不立法嚴查則諸弊何由而除
眞才何由而見若欲擇人而施又何從預知其情弊之有無而爲之區別乎滿
洲原有呈身之路弓馬技藝何者不可見長而必勉強於文場以思僥倖於萬
一旣欲讀書取進則當潛心於學恥爲穿窬至於江浙之人未必不能作文而

乃存弋獲之心爲苟且之計以致惡習相沿視爲泛常違條觸法而不知虧體辱親而不顧士習日墮風俗日漓朕於執法之際實惻怛哀矜而深以不能化導抱愧於心也查懷挾生員內同陵泰乃少詹事僊保之子生員圖敏乃原任禮部郎中穆臣之子伊等平日旣不能教訓其子又復縱容犯法咎亦何辭科場懷挾原有處分父師之例茲特申明其令僊保穆臣俱著交部嚴加議處嗣後倘有犯者將父師一併查究今年懷挾如許之多而從前各科悉皆朦混了事著將乾隆元年以後監試之御史除內簾外俱交部查出議處至京師如此則外省情弊不問可知該撫藩等專任監臨提調之責總視爲具文一味姑容取悅於衆深負委任嗣後著照京師之例監臨官董率各官盡心嚴查務使作弊之人不得漏網倘仍蹈舊轍經朕訪聞或被科道糾參或朕差人前往搜出必將監臨提調等照今年處分從前疎防御史之例一併從重議處欽此

上諭八

乾隆九年八月十一日內閣奉上諭各省科場懷挾之弊朕已降旨令各該省

監臨提調照京師今年之例嚴行搜檢務使諸弊肅清以襄大典嗣後每科有無懷挾及查出懷挾若干人俱著該督撫具摺奏聞欽此

上諭九

乾隆九年八月十六日內閣奉上諭國家設科取士原欲遴選真才以備任使典至重也近來士習不端不惟文風未見振起抑且懷挾作弊行類穿窬詭計百出竟有思想所不到者朕早已聞知屢行訓飭今年順天鄉試特遣親近大臣嚴密稽查頭場搜出夾帶二十一人其四書三題係朕親出不過取其略冷不在外間擬議之中而場內多人遂爾閣筆交白卷者六十八人不完卷者三百二十九人真草違式及文不對題者二百七十六人頭場如此伊等尙不知做二場仍有搜出夾帶者二十一人及見稽查嚴密臨點名時散去者竟至二千八百餘人之多士子品行如此學問如此是全仗懷挾作弊以爲應試取科名之具而猶且嘵嘵嘖嘖肆出誹言以爲搜查太過夫不如此搜查則盜風將日熾矣風俗澆漓至於此極然總朕不能正己以正士風實增慙愧而言之可

爲浩歎者也况朕所出三題並非在四書之外豈有身列儒林一部四書尙不能通解而公然矢口觀光應國賓興之典乎生員由學政錄科貢監由祭酒等錄科伊等所司何事而將不能終卷之人濫行咨送甚屬不合著交部察議嗣後文藝荒疎者俱不准錄送京師旣然若此則外省防檢疎略瞻徇情面苟且姑容奸弊叢集亦不問可知士子讀書稽古先崇品行應試之時乃伊等進身之始理宜循規蹈矩豈應作奸犯科無論外省之遠朕不便遣人前往查察即在京師每科委員搜檢如防盜賊亦無此政體而爲士子者顧乃頑鈍無恥習爲固常以致人心士風日益隳壞尙何望人才蔚起爲國家分猷宣力之寄乎至於內場之弊則又預擬題目勦襲雷同千篇一律總由平日不肯專心向學惟務僥倖於一時希圖利祿朱子云場屋之文必皆道其平日之學胸中之蘊而不詭於聖人由是而仕皆供其職勤其事心乎國心乎民而不爲身計試問今之爲士者能乎不能乎二三場表判策論旣懸爲令甲士子自當一併留心而平日視爲具文窻下並未寓目惟有臨時抄寫之一法若朕亦如四書之命題則不能完場者又不知幾千人矣朕心不忍是以仍循其舊以全伊等顏面

然嗣後若不留心研究如向之弊因循而不改朕將亦如四書之命題矣彼時莫謂朕不戒而視成也不然者豈科場之題例應試子自擬不應獨開生面乎從來爲治之道貴乎覈實一切因循姑息之習皆當痛除近者士風之囂一至於此而好諛之人浮薄之士動言國家人文日盛以冀開恩科廣解額者往往有之初不以士習之邪正文品之醇疵爲念嗣後若有以加科廣額爲請者必加以違制之處分著爲令至於議減中式之額則非衆所樂聞或言士子類皆寒素專藉科目爲進身之階或言一習舉業則不能更爲農商謀生無計甚至有言士心失望或妄生議論或別生事端者此皆毫無識見之人不知爲政之體要國家科目豈爲養老恤貧而設乎若有造言生事者是身投憲網國法具在何能逃於天壤哉夫國家旁求俊乂本欲量能授官以熙庶績若一味濫取廣收如何可收真才實濟現在解額已多壅滯日甚舉人需次知縣約非三十年不可得少壯登科及乎筮仕已屬衰遲昏憤龍鍾難司民社則是以無用之人塞有用之路旣於吏治有妨而伊等當可用之年又未遇應用之會必相率而同歸於無用當此之時爲上者欲棄置之則無罪欲姑用之又不可在伊等

固自貽伊戚而辦天下事者又安可委曲遷就以從人便而貽誤公政乎朱子曾言取士之流弊已極不可不一變以今之士習觀之種種醜劣之行既盡已敗露朕明知濫收之爲害精選之有功若仍復大度包荒不爲整頓朕不忍爲也蓋愛惜培養者朕之本懷而慎重清釐者政之大體與其寬登選以啓倖進之門不如嚴俊造以收得人之實此朕寓矜惜於整飭之中曲爲調劑萬不得已之苦衷也其鄉試中額作何量爲裁減之處著大學士九卿會議具奏此次經朕嚴訓以後如果文風日盛士習克端朕又何難停罷諸途專用科目之人並將此曉諭中外知之欽此

上諭十

乾隆九年八月十六日奉旨吳煒所奏知道了科場懷挾之弊甚多勢不得不嚴行搜檢至於搜到褻衣之內原屬非體然若果無其人則朕將治哈達哈等以太過之罪矣而無如竟有藏匿于褲襠中者委查之員何由預知其孰爲有孰爲無而分別之則不得不概行搜檢而朕雖欲全諸士子之顏面竟無辭以

責派查之臣爲太過矣然此等敗類必係目不識丁之人而得與觀光之列總由學政濫行錄送以致紊亂考場清濁不分如此將來學政等如何慎選錄送並將搜檢等事如何詳悉定例之處著原議之大臣一併議奏欽此

上諭十一

乾隆九年八月十六日內閣奉上諭吏部郎中王應綵之弟王應綸以懷挾搜出在弟兄之間原可不問及但王應綸當哈達哈面前從口中吐出表判文有何栽害之弊而王應綵逢人極口稱冤則是伊弟犯法伊並不以爲非尙欲袒護亦屬不合著交部察議欽此

上諭十二

乾隆九年八月二十一日內閣奉上諭向來主考同考官之子弟俱令迴避不准入場雍正年間蒙皇考准其一體應試亦未著爲定例是以每科該衙門以應否准其考試請旨朕看來各科迴避官生多寡不一若遇人少之年則入數

甚易於科場條例亦不畫一自以照舊迴避爲是嗣後不必一體考試欽此

上諭十三

乾隆九年八月二十四日內閣奉上諭昨順天府尹蔣炳條陳外省中式之人應於榜後覆試一事朕已降旨允行但如何覆試之處未曾奏及各省難以奉行必至參差不一亦屬非體從來科場取士首重頭場四書文三篇士子之通與不通不出四書文之外今應令中式之人填寫親供時在巡撫衙門內嚴行防範該撫會同學政出四書閒冷二題不在擬議之內者當面考試聽其盡一日之長試畢即將原卷與中式卷一併解部聽候磨勘如有文理荒謬及不能完卷者該撫該學政不得瞻徇卽行舉出另行奏聞候朕降旨餘照原奏行該部卽速行文該省知之欽此

上諭十四

乾隆九年九月初一日內閣奉上諭朕令翰林科道輪進講章者原以講明義

理裨益學問也若臣工有欲行陳奏之事自應明白直陳於君上之前何得借講書之名以巧用其術如黃明懿今日之講章朕披覽之下覺其意有所指因召見面問之曰汝之講章爲書義而發乎抑因時事而發乎伊奏曰實因今歲北闈科場搜檢太嚴及於褻衣下體頭場二場搜出懷挾只四十餘人而聞風退避散去者遂至二千餘人之多士氣沮喪有關國體等語國家之開科取士原欲得眞才實學之人而用之懷挾作弊行類穿窬乃最惡劣之習大有害於科場者朕早已聞知先期告誡至再至三而伊等怙惡不悛頭場搜出二十一人二場搜出仍二十一人即此數亦不爲少矣豈黃明懿猶以爲少乎况貢院門外拋棄蠅頭小卷堆積於墻陰路隅者更不計其數此皆何人者謂朕不知乎此預備夾帶而臨時變計者且有含於口頰而搜檢時嚙入腹中者至於頭場題目略覺閒冷而交白卷及不完卷者遂有三四百人此又不能夾帶而場中竟至闕筆者其二場點名時散去之二千餘人明係學問空疎又見不能夾帶託言搜檢太嚴待士非體以不願應試掩其無恥又有謂番役人等有意栽害者前二場搜檢時曾有搜出經文查與該生本經不合比將番役鎖拿一事

而造言生事之徒遂以此爲口實豈四十二人悉皆出於栽害乎至於搜到褻衣之內原屬非體若果無其人則搜察官員過當之罪自無所逃朕前已明白降旨矣今既有其人則有不得不通行之勢此又誰之咎乎且士子有於褻衣下體懷挾經文者此大心之大喪而讀書者之恥也朕前旨謂深自抱慚並非虛語而士大夫亦應共愧共忿默而不言斯已耳猶且袒庇無恥者起而攻搜檢之太過則朕不得不明言矣議者徒謂以一二人之無恥累及千萬人孰不知此一二人非市井之徒非穿窬之盜而即挾策應試千萬人中的一二人也搜查者豈能預知其爲有爲無而分別之設有所分別彼懷挾者方得以借口設無所分別而一概從寬則將來禪禪中竟成懷挾之藪矣夫使聖賢之經文入人禪禪之中而不爲怪獨怪搜察太嚴之失士體則爲是言之人朕竟不能知其爲何心矣或者其亦出於此道者耶夫稂莠不剪則嘉穀不生朕之剔弊除奸本欲使懷瑾握瑜之人脫穎而出整頓頽風培養士氣正所以崇國體也而黃明懿反以爲士氣沮喪其繆妄已極此必有不肖之士子造作浮言互相煽惑以鼠竊狗偷之行而有搖唇鼓舌之風朕若不亟爲整理不但士習日頽

無所底止卽伊等將來亦不免清流之禍朕心不忍是以法在必行以挽救之黃明懿身爲翰林若欲建白諫諍卽當據實敷陳今乃借進講經書隱諷時事甚屬奸險詐僞著交部嚴察議奏欽此

周學健摺

福建巡撫臣周學健謹奏爲奏明事竊臣於乾隆九年五月二十日具奏辦理事宜摺內附奏武平縣鍾大頭等鬧堂塞署一案係生監王國藩等倡謀糾衆鬧堂塞署等情奉有硃批生監如是尙屬可惡尙亦有因生監糾衆而罪及學道者可引此例參奏欽此臣隨卽欽遵將所奉硃批奏摺與督臣那蘇圖公同恭閱因查武平縣鬧堂塞署一案先據該縣呈報民人鍾大頭等聚衆打鬧縣堂壘塞署門等情臣與督臣那蘇圖隨經飛調汀漳龍道今署按察使王廷諍馳往汀州府督同知府俞敦仁拘拿各犯嚴究實情當經會摺奏聞嗣經王廷諍等督同永定上杭武平三縣訊出起釁糾約實係武生王國藩監生鍾峻業倡謀聚衆詳報前來臣與督臣那蘇圖均經批飭將生監等褫革嚴審緣人犯

衆多尙未究審定案適奉諭旨令王廷諍署理按察司印務而前任按察使納敏奉命前往署理廣東布政司印務不便久待隨即飛調王廷諍回省接署并令將武平縣一案人犯提赴省城確審乃生監王國藩等因質証輕罪人犯多未解省原承問官又未到省遂畫翻前供狡不承認臣與督臣那蘇圖因案情重大必令對質輸服毫無疑義方可定案現據署按察使王廷諍詳請檄調知府俞敦仁原承審官永定縣知縣林莢提齊質証各犯另委幹練賢員會同虛公確審務期無纖毫枉縱以定覆書業經批准檄調確審在案臣與督臣那蘇圖會同商酌此案倡謀糾約案情尙未定局其開參學臣之處應俟審定後於正案內附摺參奏茲督臣那蘇圖已奉命調任兩廣俟部文一到即交印起程臣又入闈監臨俯容臣出闈後督令按察司詳細究審務得實情俟案情一定果係生監倡謀爲首即遵奉硃批辦理合將情由先行奏明伏乞睿鑒謹奏乾隆九年九月初四日奉硃批覽欽此

八月初六日

福建巡撫臣周學健謹奏爲奏明事竊照本年屆當鄉試臣職任監臨經將辦理科場事宜於六月二十二日具摺奏聞並奏明未盡事宜容臣陸續辦理在案謹將續辦事件條例具奏

一閩省貢院基址在屏山之麓地處卑隘毗連民居貢院圍牆以外北面一帶皆與高山土坡相接往科入闈之後遊人登高眺望俯視貢院內外簾纖悉皆見殊未嚴密易滋弊竇又貢院西南一帶院牆之內即係號舍院牆之外逼近民居竟有該處地保歷科積慣包攬窩藏鎗手代爲傳遞臣親往閱視并訪知積弊現經派委弁兵凡係高山土坡各處設立堆卡晝夜駐劄瞭望巡查入闈以後不許一人望高窺探其逼近院牆民居添設弁兵防守並令文武員弁親赴各戶按照門牌查點遇三場之期不許容留外來一人出入積慣作弊之地保行令地方官管押俟場事完竣放令回家以除積弊

一科場聯號換卷傳遞等項弊竇多端總不離承辦科場書吏之手臣訪知布政司衙門積年承辦科場書辦張廣洪若翰張在申鄒居周高天允林易大等六人凡遇科場在外包攬不肖士子或做聯號或割換卷面或代爲傳遞每名

每場包封銀十兩事成朋分中式之後每名又索謝禮七八十兩百兩不等張廣等六人無論本官派撥何書皆因伊等熟練聽其頂名入闈因得積慣舞弊臣於七月初間即密飭布政使高山將積蠹六名拘管在署嚴行封閉不許外出並於司書內另選諳練者先期關防臨時交提調官糧驛道張鏐帶入封閉嚴密處所令其辦事總不令在至公堂與各所人役交接滋弊

一士子三場點名入號內外隔絕凡傳遞懷挾換卷等事必由各衙門人役從中遞送始得內外通達而監臨提調監試等衙門人役尤慣作弊蓋緣此輩恃上司衙門人役巡綽等微員莫能禁止遂得肆行無忌臣深悉積弊立法先自近始凡臣與提調監試等點名時一切跟隨轎傘等項人役俱於二門內擇空房屋封閉在內委員看守不許一人出外其內外人役與號內監軍一應遞送水菜分給飯食時預行劃定界限令監試巡綽各官監看內外人役各照界限站立交割不許稍有踰越以致互相交接滋生弊端

一閩省凡遇科場之年內外簾一切應用器皿什物以及米薪魚肉等項歷科俱係各行戶領取額銀供應每科額定止准銷正項銀四千二百餘兩實在需

用約計六七千兩不敷之項歷係行戶向各舖科歛支應上科前撫臣王恕於場前七月中旬出示革除行戶供應一切食物等項俱令地方官平價買備因時已屆近場期場內器用與米薪等物已照向例先期令行戶辦齊是以不敷無幾承辦之員捐賠辦理尙屬有限今科行戶久已革除斷無復令承辦擾累之理臣飭令承辦各官凡一絲一粟俱發現銀平買惟是內外官役士子數至一二萬時歷一月有餘即使竭力節省而額銀四千二百餘兩實屬不敷額定之外既不便多用而考場所需俱關緊要又不能缺少地方各官當此澄清吏治之時實力難捐墊且大典所在亦斷無令各官捐賠以致有碍國體臣擬俟事竣除照定額題銷正項外不敷之數酌查司庫充公銀兩給發以免捐賠容臣事竣後核實數目另行奏請聖鑒

以上四條皆臣現在酌量辦理之事茲臣於初六日循例入闈闈內一切事宜臣當督率提調等官實力釐剔詳請辦理務期諸弊肅清以仰副我皇上興賢育才之至意臣謹繕摺具奏伏乞睿鑒訓示施行謹奏乾隆九年九月初四日奉硃批此亦不過去弊之小小者耳茲特令各省覆試須嚴密爲之欽此

八月初六日

阿里袞摺

臣阿里袞謹奏爲奏聞科場事竣事竊臣於本年八月初六日同主試等官入闈初八日帶同司道等員點名搜檢尙有年歲不符者十餘名因科場條例最嚴頂冒臣查其年貌或者多至 十餘歲或有小十至餘歲者恐有冒考頂替情弊俱行逐出至二場搜出懷挾生員張丕承等三名臣即照例枷示又於號內查出官卷生員挾帶擬表四紙係現任翰林院編修白瀛之姪白金銑亦予以枷號同前經枷號之生員三名一并咨革衣頂查點名入闈者共有六千一百八名內有污卷不完真草不全及七夫七且違式之卷共貼出一百七十九名實謄送內簾共五千九百二十九卷至九月初一日發榜中式舉子李凌雲等六十六名副榜一十二名臣卽于是日自闈回署除題名錄餘照例進呈外所有科場事竣理合恭摺奏聞伏乞皇上睿鑒謹奏乾隆九年九月初八日奉硃批覽尙有覆試之事須嚴爲之欽此

準 奏摺

署安徽巡撫臣準泰謹奏爲文闈三場試竣謹奏辦理情形事竊照本年甲子科鄉試文闈輪值上江巡撫監臨臣自七月蒞任即訪聞兩江試士紛繁外場弊竇甚多檄行布政使及提調驛鹽道嚴飭承辦科場各官預行釐剔隨據江寧府知府官保訪獲慣包傳遞之范回子等一十九名勾攬謄錄之吳馭傳等二名分別枷禁曉示通衢俾士子知警嗣將調取入闈州縣等官關防考校因臣非科甲出身未能通曉文藝會同督臣尹繼善擇其文理優長素行謹慎者送入內簾分校其外簾五所籤掣各官分辦一一申嚴禁約而江南向有劣生賄通受卷取書役偷給照出竹籤袖卷出場倩作佳文於進放水菜時傳遞墨卷入箱混送彌封最爲大弊臣旣嚴諭受卷各官務須躬親發籤收卷又恐該所州縣七員不足照察另派佐雜協辦不得書役經手而頭二三場進放水菜之時令監試道員於大門督察總毋許各衙門一人進闈其外簾各所人役責成各所官嚴加管束另派員弁把守總門不許一人來往臣仍晝夜坐堂督視

查出近役人等偷記彌封紅號發審嚴究至劣生挾帶文字尤奸僞百出又因點名時數萬人擁擠致搜檢草率臣先于入闈前專檄提調官令將嚴查夾帶並諸生務照名數魚貫聽點之處痛切曉諭且令各教官就其所轄各生分頭傳諭乃於點名時仍有搜出徐斌王曾培等夾帶當即分別枷革隨于八月十三日准到部文欽奉上諭嚴加搜檢片紙隻字不許攜帶入場臣謹凜聖訓申飭內外執事各官於第三場更加搜檢嚴緊且一切舊有條禁務須核實遵奉務博寬大美名虛應故事至於場中老病諸生及茶水飯食等事臣俱諄諄諭飭并親自查看務期仰體皇仁體恤周備其違式應貼試卷恪遵條例分別查貼主考臣鄧鍾岳葉一棟俱能關防謹密臣仍親司扁鑰現在三試既竣謄錄三場硃卷已畢解內簾惟俟主考擇期放榜所有辦理文闈情形理合恭摺奏聞伏乞皇上睿鑒謹奏乾隆九年九月十七日奉硃批此亦不過防弊之一端耳京闈尙不能盡除積弊外省何能但覆試若嚴思過半矣實力爲之欽此

九月初五日

蔣溥摺

湖南巡撫臣蔣溥謹奏爲奏覆事乾隆九年八月十七日接准禮部咨開乾隆九年七月二十六日奉天諭科場爲國家掄才大典關係綦重向來外場弊竇多端士子懷挾文字入場希圖弋獲此等無恥之習一日不除則真才何由得出今年順天鄉試已降旨嚴飭實力稽查聞外省夾帶之風亦復間有不可不嚴行禁止著各省監臨提調等官于點名時嚴加搜檢片紙隻字不許攜帶入場務使弊絕風清毋得虛應故事至於主司衡文向來專重四書文字而忽于經義後場其實經文所以考其學後場所以驗其用各有深意無容軒輊其間嗣後主司應將三場文字悉行盡心閱看就優劣以定去取毋得草率從事該部遵諭速行欽此仰見皇上慎重科場嚴杜弊竇無微不至臣於未入闈之前嚴切曉示不許懷挾文字以獲幸進嗣于八月初六日入闈辦理監臨事務每事與提調督理糧儲道臣鹿邁祖監試衡永郴桂道臣侯嗣達商酌妥辦其三場搜檢亦極其嚴密有夾帶者即照例枷號褫革懲一儆百雖片紙隻字亦即逐出不許入場總期弊絕風清以仰副我皇上崇尚實學務得真才之至意至

主司衡文誠如聖訓三場文字自應悉心徧閱庶可以收實學而獲經濟之用臣查湖南自與湖北分省鄉試後中式額數五十名從前司其事者以人數較少易於閱視竟有在八月內揭曉者臣接奉諭旨即移咨內簾主試並同考各官務須恪遵聖訓寬以日期將三場文字悉行盡心閱看俾經義後場兼收並錄毋致草率從事臣在外場仍可照常辦事即解審案件例得寬限一月不致有誤再湖南鄉試額中舉人五十名定例每中式一名送百名入試查上科鄉試送至九千三百有奇今歲臣札致學臣務須遵照定例慎重遴選毋得過五千名之數現在科冊取送入闈者尙在五千以內士子亦俱安分寧靜合併奏聞伏乞皇上睿鑒謹奏乾隆九年九月十八日奉硃批此不過就事妥辦耳豈云盡力剔弊今命覆試須嚴爲之欽此

八月二十五日

陳弘謀等摺

川陝總督臣慶復陝西巡撫臣陳弘謀謹奏爲奏明辦理科場事務緣由仰祈聖鑒事竊惟甲子年係鄉試之期賓興大典諸宜嚴密慎重以仰副我皇上甄

拔人才至意所有一切弊竇皆須防範以期肅清士子懷挾最爲惡習各省有之而陝西亦所不免臣等於場前士子雲集之時先行出示曉以人品心術之攸關惕以吉凶榮辱之所係反覆開導嚴切告誡又聞向來修理貢院號舍即有預行埋藏文字之弊臣於入闈之前親赴貢院率領官弁兵役於號舍上下逐一搜查已將埋藏文字盡行搜出當堂燒燬又於謄錄書手身內搜出文字一本立即發縣嚴審究擬一面分派官役加意嚴搜懷挾臣弘謀即時宣傳諭旨初八日點名之前又多書告示令官役沿街曉諭冀諸生觸目警心及早悔悟免罹於法一時入場士子畏罪棄去懷挾者甚多其有慙不畏死之生監六人仍有懷挾或藏筆管或藏帽內或藏筐底當即搜出立即枷號示衆滿日照例責斥自此士子益加警懼二三場較爲肅清亦遂無犯法之人九月初四日揭曉初五日奉到上諭令巡撫學臣會同覆試臣等敬謹祇遵查陝西士子三場畢後俱各回家赴鹿鳴宴者不過數人其填寫親供一二月內始到甘肅一省距西安更遠向來皆於會試過西安時一面親領路費一面方填親供若俟甘肅舉人到齊方行覆試未免太遲零星覆試又覺非體臣等與學臣胡中藻

面商酌定分爲二次覆試其近省之西安鳳翔同州等府去省不遠限於九月二十二日覆試甘省舉人及西安之距省遼遠者限于十一月二十二日覆試俾各舉人得以如期赴考其一切會同赴試悉遵聖諭敬謹辦理考後另行據實奏聞斷不敢稍有瞻徇重負皇上拔取真才至意所有場前嚴加搜檢及場後酌定分作兩次覆試緣由理合具摺奏明伏乞皇上聖鑒謹奏乾隆九年九月初十日

清乾隆朝福建督撫伍拉納浦霖等受賄被誅案

長麟
魁摺十一

署閩浙總督臣覺羅長麟
署福建巡撫將軍臣魁倫跪奏爲遵旨速行回奏事本年九月十九日欽奉上

諭以臣等查出伍拉納得受經費十五萬兩浦霖亦得銀二萬兩該署督撫前

此未經究明顯係有意瞻徇罪無可辭乃本日摺內並無一字引咎尤屬非是

况伍拉納浦霖任所貲財亦未經查辦種種疎漏實不可解長麟魁倫著再傳

旨嚴行申飭并將從前因何未經查出及此次何以未自請罪之處據實明白

回奏仍覆訊周經勿再支飾致干咎戾欽此同日又奉上諭伍拉納浦霖業已

押解進京倘家屬尙留閩省卽著長麟等就近查抄欽此又奉上諭長麟等參

奏錢受椿於薛林二姓械鬪斃命抽換案卷以致監斃十命一案此必該府縣

有賄求錢受椿情事否則平日與該府縣有夤緣交結之處以致爲其所制不

得不爲擔此干係再前後監斃十命斷無不稟報臬司之理錢受椿旣向伍拉

納浦霖抽卷亦斷無不告知伊二人之理伍拉納浦霖身任封圻種種罪案按

律已難末減據長麟魁倫現仍悉心跟究另行具奏等語著傳諭長麟等一經

審出務即由六百里迅速具奏不得因伍拉納等罪名已定遂爾意存消弭將就了事將此諭令知之欽此遵旨寄信前來臣等跪讀之下悚惶戰慄無地自容竊思臣等審辦周經侵盜庫銀一案錯謬之處甚多尙有何言置辯今蒙皇上詢以因何早未查出伏查臣等屢奉嚴旨飭追周經所侵庫銀是否與伍拉納等通同分肥臣等晝夜窮追亟思將分肥本案先行訊明迅速覆奏而未能於案外旁求及周經屢審不承本案似已無可追訊臣等悚惶莫措心盡計窮不得不暫置本案遍加採訪旁事推求及將伍拉納等收受鹽規之處查出誠如聖諭即應自行請罪乃臣等昏庸之見因尙未將周經本案重情究出臣等實在心存惶懼罔知所措謬以爲藉此請罪恐似臣等避重就輕欲以請罪爲結案之計原擬於周經供吐重情後再將臣等種種錯謬之處一併仰懇聖恩交部治罪詎今又已匝月竭力設法跟究並逐細悉心搜訪卒不能究出別情是臣等庸愚無能應得之罪爲尤重臣等實在捫心自疚上負鴻慈惟有仰懇皇上天恩將臣等交部從重治罪至伍拉納浦霖等既經侵扣賑銀

硃批且莫言其他伍

拉納積如意至一百此非與元載胡椒八百斛同乎

又復收受鹽規其平日必另有婪索屬員餽送營私

之事臣等復於提審各員內逐一嚴追僉稱福建州縣多係苦缺現在參員等俱有虧空每年辦理奏銷遮前掩後尙不能支實無餘力餽送營求惟廈門同知缺分較優現任同知黃奠邦已經臣等參革收禁當卽提出審訊據供伊自前年調補廈門同知每年致送伍拉納浦霖銀各四千六百兩硃批如何伊在任二年共送過伍拉納銀九千二百兩浦霖銀九千二百兩等語臣等除再向提審各員嚴究外謹先將訊出伍拉納等收受黃奠邦銀兩緣由先行具奏至錢受椿於械鬥重案抽卷發回以致監斃多命誠如聖諭錢受椿必有賄囑需索情弊臣等向其嚴切究詰據錢受椿供認抽卷舞弊並未親審輒將人犯發回屬實而於藉案需索之處狡辯不吐臣等當將已革知府全士潮知縣顧揆提至當堂據全士潮等痛哭呼冤叩頭碰地供稱錢受椿性情暴戾藉案索錢是常有的事參將們遇有械鬥案件若要率領兵役逕往拿人漳州民情刁悍必致激成拒捕毆官重案勢不能不購線買眼設法緝拿上年四月內長泰縣薛明鑿聚衆械鬥一案參員們費銀二千餘兩始將通案人犯全行拿獲正在審訊尙未定供即被提解省城另行委員審訊案延半年有餘錢臬司並不親提一

訊輒稱兇手不確欲行發回參員們到省守候亦並不檄委會審這明是有心刁難意存需索參員們以械鬥人犯經府縣費力查拿若由省城無故駁回百姓必將府縣藐視更致肆無畏懼以後府縣何能辦事萬出無奈參員全士潮用價銀一千四百餘兩購買綠晶朝珠一盤又配八版大呢羽緞及顧繡鋪墊等物送給錢受椿收受參員顧揆備了三十兩金葉及大呢羽緞等物共值番銀一千元致送錢受椿收受原想錢受椿得了禮物自然即將此案審結誰料錢受椿尙不滿慾仍將人犯發回又另尋出參員全士潮失察漳浦縣劉霍械鬥一案將參員詳院參處以致降調離任全士潮等實在無力不能再行餽送以致重案延久不結今蒙傳旨審訊如見青天這供的都是實話情愿與錢受椿對質等語復訊錢受椿無可置辯將收受全士潮等餽送仍將要犯發回不辦情由逐一供認不諱詰以此案監斃人犯至十名之多縣府自必稟報臬司臬司亦必告知督撫伍拉納浦霖旣肯聽從抽卷亦必有串通需索染指分肥各情事當向錢受椿再三盤詰據供我與浦霖本係姻親伍拉納亦待我甚好因我屢次稟說此案兇手不確此時若將府縣揭參將來拿不著正兇我們倒

要受重案遲延的不是若將原卷抽還如拿不著正兇亦無遲延形迹我再三講說伍拉納等纔准我抽卷實沒有串通分肥情弊我已身負重罪如何還敢替伍拉納等隱瞞等語查錢受椿身任臬司並不知秉公持正乃於械鬥重情不顧人命重大竟敢藉端婪索得受財物復因未飽慾壑盡將人犯發回抽匿卷宗希冀化有爲無縱恣任情莫此爲甚其平日威福自擅營私舞弊之處必多自應澈底跟究以成信讞且此案人證甫經提解來省前獲之薛明礬等是否本案正兇案關多命亦應倍加詳慎除再行悉心審訊從重定擬另奏外至伍拉納浦霖之各眷屬均於五六月間各回旂籍應聽沿途及原籍本旂遵旨截抄辦理臣等仍嚴查有無在閩隱匿寄頓另行辦理據實具奏其錢受椿一犯業經究出受贓欺蹟所有原籍財產及任所衣物應請一併查抄查錢受椿眷屬已於本年三月間由閩省起身赴廣西藩司新任臣等已飛咨該參員原籍江蘇及經過之浙江江西廣西各督撫一體嚴查辦理並將該參員現在留閩衣物查抄報部仍嚴查有無隱匿寄頓另行核辦外謹先將黃奠邦全士潮顧揆錢受椿等各供詞恭呈御覽再臣魁倫正在撥運米石馳赴漳浦一帶查

勘災務間適於十九日接奉諭旨當即會同臣長麟提犯審訊拜摺後即日起身出省合併陳明伏乞皇上睿鑒謹奏乾隆六十年十月初七日

附片

臣覺羅長麟等謹奏臣等正在封摺間復奉上諭昨伍拉納浦霖解到交軍機大臣等審訊所有得受鹽規及抽換案卷等款已據承認其罪業難末減但長泰縣薛林二姓械鬥之案如不過辦理遲延處分甚小錢受椿因何代該府縣懇求伍拉納浦霖抽換案卷伍拉納浦霖又因何肯擔此重大干係聽其抽換其中必有得受賄囑情事尙未據供出實情即各州縣虧空伍拉納浦霖係該省督撫若非平時與屬員串通分肥亦何以置之不問俱不可不澈底跟究此時遽將伊二人寘諸重典則錢受椿等知質證無人更可飾詞卸罪著再傳諭長麟魁倫務即將械鬥一案該府縣如何賄求伍拉納浦霖錢受椿抽詳舞弊及各州縣虧空伍拉納等如何通同染指並定擬錢受椿等罪之處速行審明定擬據實具奏以便交軍機大臣等會核定擬勿再瞻徇遲延致干重咎將此

由六百里諭令知之仍即由六百里加緊覆奏欽此伏查長泰縣薛林二姓械鬥一案臣等再三研訊已據錢受椿將藉案刁難得受知府知縣財物之處俯首供認併據堅供此案抽撤卷宗實係伍拉納浦霖受其慫恿愚蒙委無通同分肥情弊如經京中審出情愿加倍治罪等語其供詞似尙可信惟錢受椿既有藉案得贓情事其婪索必不止此一端該參員堅執不吐尙須從嚴究審其械鬥案內之原擬兇手薛明鑾等現據各犯供認傷斃人命屬實各愿抵償惟案關重大薛明鑾等不待嚴鞫輒即挺身認罪其中有無賄囑頂兇之處亦須細心推求至伍拉納浦霖於通省虧空置之不辦是否與屬員串通分肥之處亦經臣等就現在提到各員嚴切跟究僉稱各屬虧空多係挪後掩前因事動用並無通同分肥情事臣等惟有趕緊審辦于五六日內先將錢受椿一案審明定擬恪遵諭旨由六百里馳奏再臣等正在拜摺之際又據浙省委員候補知府弢光等稟報伊轍布于本月十六日在浦城縣因病身故等情硃批必有別故查伊轍布前因患病截留經臣等飭委臬司李殿圖迎赴查看訊取供詞奏明在案茲據報病故臣等即日飭委布政使田鳳儀馳赴該處詳細查驗有無別情

另行核奏合併附片陳明伏乞皇上睿鑒謹奏乾隆六十年十月初七日奉硃批另有旨欽此

供單

據黃奠邦供參員是已革廈門同知廈門缺分較優每年除遵照奏明章程備辦呢羽燕窩之外另送督撫陋規銀各四千六百兩參員在任二年先後共送過伍總督銀九千二百兩又送浦撫院銀九千二百兩這是實情

據全士潮供我係參革漳州府知府錢受椿性情暴戾藉案索錢是常有的事參員們遇有械鬪案件若要率領兵役自往拿人漳州民情刁悍必致激成拒捕毆官重案勢不能不購綫買眼設法緝拿上年四月內長泰縣薛明礬等聚衆械鬪一案參員們費銀二千餘兩始將通案人犯全行拿獲正在審訊尙未定供即被提解省城延擱半年錢臬司並未親提一訊輒稱兇手不確要仍行發回參員們到省守候並不檄令同審這明是有心刁難意存需索參員們以械鬪人犯經府縣費力查拿若由省城駁回民情必將藐視府縣更致肆無畏懼以後府縣怎樣辦事萬出無奈參員用價銀一千四百餘兩購買綠晶朝珠

一盤又配八板呢羽及顧繡鋪墊等物送給錢受椿收受原想錢受椿得了禮物自然即將此案審結誰料錢受椿尙不滿慾仍將人犯發回又另尋出參員失察漳浦縣劉霍械鬪一案將參員詳院參處以致降調離任參員實在無力不能再行餽送以致重案延久不結今蒙傳旨審訊如見青天這供的都是實話情願與錢受椿對質是實

據顧揆供我本任長泰縣知縣上年四月初三日有縣民薛林二姓因爭水起衅兩家糾人械鬪致死十七命一案我原拿獲各兇首正在審訊甫取草供尙未成招旋即奉提解省聽候審辦彼時錢前司委首府鄧廷輯覆審各犯俱逐一供認惟因內有二犯所供下手傷痕稍有不符稟請添提犯證質對這是有後來我又拿獲添提人犯解省尙未審結我於八月內卸事因此案人犯錢臬司總不肯審訊辦理明是有意要藉案勒索我的意思我屢次具稟懇求審辦此案俱被錢臬司嚴批痛罵我無奈於年底備購金葉三十兩並大呢羽毛等物約共值銀一千餘元差家人陳政於本年正月初間送省交錢臬司門上收受原想完結此案不料家人回漳說錢臬司尙不滿意就於正月內將全案

人犯發回意在消弭此案今蒙提訊我只得據實供明並不是我敢通同消弭可以質對得的餘與全士潮供同

據錢受椿供我在福建臬司任內有長泰縣民薛林二姓械鬪一案經督撫飭提解省迨犯解到我先期隨同伍總督赴浙江義烏查辦要案經代辦臬司劉大懿詳委福州府鄧廷輯審辦旋據鄧守稟稱此案械鬪情形雖據薛明鑾等忽認忽翻且下手致傷情形多未確切並據屍母林周氏等供非正兇稟請補提薛缺等歸案質審我於七月十五日回閩一面飭催鄧守研審一面委員及崑差疊次守催該縣府嚴密緝拿報解九月十三日鄧守卸事繆守接任我復札飭覆訊據稱薛明鑾等供仍游移所指互鬪情形傷痕部位尙多烟爍含糊難歸確實等情我因此案兇手旣不甚確若遽將府縣揭參將來不能緝獲正兇我們轉要受重案遲延的不是是以稟商督撫將卷宗抽下惟是此等重案僅委首府審訊我并未親身提審已屬昏愼糊塗迨漳州府縣未將要犯緝獲致稽重案我又未即時揭參更屬咎無可辭至案內在省監斃人犯林樵薛孩二名府縣均有詳文通報督撫俱有批詳可查是我掣卷時將批詳一併抽出

的其餘病故人犯八名俱是我將人犯發回以後之事我於二月內即經起身並不知道總之此案遲延錯謬還有何辯只求將我從重治罪再全士潮今年曾送過我綠晶朝珠一盤呢羽八疋炕毯一床顧揆送過我大呢羽緞金子三十兩我俱收受這是有如今他們供說是疑我刁蹬案件所以致送我已將他們送的東西全行供認也再無可置辯了至伍總督素常待我較好浦巡撫係我親戚我說此案兇手不定參了府縣恐將來拿不着正兇留犯在省又恐有遲延的不是他們所以纔准我抽卷實在沒有通同需索的事我已身負重罪何敢替他們隱瞞是實

供單

謹查此案除已革臬司錢受椿知府全士潮知縣顧揆暨饋送禮物各參員供詞均於覆奏各摺內先後隨摺呈進毋庸重叙外謹將械鬪斃命各犯及委審之福州府知府各供詞繕呈御覽

據薛明礬供小的是長泰縣人年四十一歲父母俱故並無親屬小的薛姓與隣村林姓各有公田坐落在山重院內地方林田在上薛田在下有公共水圳

一道彼此灌漑因五十九年四月內天時亢旱林姓將圳水堵截薛姓田畝不能引灌薛鄒聞知起意糾人械鬪薛忠篤與小的聽從薛鄒分投糾了薛眞薛琴薛鳴薛院薛蠓薛才薛笨薛吟薛陶薛參薛一薛樣薛艷薛樹薛啓薛教薛蚤薛執薛報薛爽薛仁薛討薛色薛名薛孩薛由薛意薛爵薛生薛及薛盈薛薛蟬薛缺一共三十六人分執刀械惟薛爵薛生薛及薛盈四人徒手於四月初三日前赴山重院內喝令林姓放水林湊等不依拿刀向小的砍來小的用刀格開連砍他頭上兩下林湊跌倒本日午時身死彼時人多亂毆何人致傷何人原也看不清楚後來查對纔知道是薛眞毆傷林邊身死薛琴毆傷林濫身死薛鳴銃傷林茁身死薛院毆傷林剝身死薛蠓毆傷林老身死薛才毆傷林顯身死薛笨毆傷林弁身死薛吟毆傷林仲身死薛陶毆傷林帶身死薛一毆傷林添身死薛樣毆傷林冉身死薛艷毆傷林項身死薛啓毆傷林柔身死薛參薛教共毆林透身死薛樹薛蚤共毆林什身死薛執毆傷林協邦薛報毆傷林冒均已平復薛爵薛生薛及薛盈均未傷人林姓被毆死的人也毆砍小的們薛姓有傷並林樵用竹銃打傷薛爽身死薛鄒們都在監病故了薛蟬們逃

往何處小的不能知道是實

據薛真供年四十二歲父母俱故並無兄弟妻子上年四月初三日我們薛姓與林姓爭水打架薛鄒來邀小的拿了撻刀同去遇着林邊用木棍打來小的閃過先後用撻刀砍傷林邊左眼胞右肋林邊轉身要逃小的又用刀砍傷他脊背倒地越日身死據薛琴供年三十三歲父母俱故並無親屬上年四月薛鄒邀小的打架被林濫拿木棍打來小的閃側用尖挑戳傷林濫咽喉左腿倒地越日身死據薛鳴供年五十歲父母已故並無親屬薛鄒邀小的打架遇着林茁用尖挑戳傷小的左脚小的點放竹銃打傷林茁胸膛右肩甲右胎膊倒地逾時身死據薛院供年二十六歲母親楊氏別無親屬薛鄒邀小的打架被林剎拿撻刀向小的砍來小的用尖挑格開連戳林剎右額角左血盆倒地越八日身死據薛蟻供年二十七歲父母已故並無親屬薛鄒邀小的打架小的用鑲鐵尖挑戳傷林荖左乳下林荖用柴刀砍傷小的臂膊小的奪過柴刀砍傷林荖左腿左臙肌倒地越十日身死據薛才供年五十歲父母俱故並無親屬薛鄒邀小的打架小的見薛盈被林顯用刀砍傷小的趕到林顯背後用撻

刀砍傷林顯腦後倒地越六日身死據薛笨供年三十九歲父母已故並無親屬薛鄒邀小的打架小的用撻刀砍傷林弁腦後林弁轉身回砍小的左腿小的又用刀砍傷林弁右額角倒地越九日身死據薛吟供年二十二歲父親薛有別無親屬薛鄒邀小的打架林仲用尖挑向小的戳來小的用撻刀格落林仲轉身跑走小的用刀砍傷他腦後仆跌倒地林仲要想掙起小的又用刀砍傷他右脊背越七日身死據薛陶供年五十一歲並無親屬薛明攀邀小的打架小的用鐵錘戳傷林帶右肩甲林帶用刀砍傷小的左手第五指小的又用鐵錘戳傷他左腿穿透倒地逾時身死據薛參供年二十九歲父故母在兄弟二人薛明攀邀小的打架小的用撻刀砍傷林透左脇薛教用木棍打傷林透右臙肌小的又用刀砍傷林透左脊脊倒地越九日身死據薛一供年三十三歲父母俱故並無親屬薛忠篤邀小的打架小的用撻刀砍傷林添左額角連左太陽林添用刀回砍小的左手背小的又用刀砍傷林添頂心連偏右倒地越五日身死據薛樣供年三十五歲父母俱故兄弟三人薛明攀邀小的打架遇着林冉用刀砍傷小的額顙跑走小的從後追趕用尖挑連戳林冉腦後左

後脇倒地越日身死據薛艷供年五十三歲並無親屬薛明攀邀小的打架林項用鈎鐮向小的戳來小的用撻刀砍傷林項偏右林項轉身跑走小的又砍傷他腦後倒地越五日身死據薛樹供年三十一歲父母已故並無兄弟薛忠篤邀小的打架小的用尖挑戳傷林什左臂膊林什用鈎鐮回戳小的左手背有薛蚤上前幫護也用挑戳傷林什左臂膊林什向薛蚤趕戳小的又用挑戳傷林什右後肋倒地越十日身死據薛啓供年四十三歲父母俱故兄弟二人薛明攀邀小的打架小的見林柔將薛執毆傷跌倒小的用尖挑連戳林柔背背兩下林柔用刀砍傷小的右手小的又用尖挑戳傷林柔左耳竅倒地逾時身死據薛忠篤供年四十九歲父母已故並無兄弟上年四月薛鄒叫小的轉邀族人與林姓爭水打架小的邀了薛一薛樹薛仁全去小的並未動手傷人據薛執供年三十五歲母親周氏別無親屬薛鄒邀小的打架小的用尖挑戳傷林協邦左腿一下傷已平復據薛報供年二十三歲父母俱故薛鄒邀小的打架小的用尖挑戳傷林冒左胎膊一下傷已平復餘俱與薛明攀供同據薛爵供年五十四歲父母俱故兄弟五人並無妻子據薛生供年二十六歲

父故母存並無兄弟妻子據薛及供年四十九歲父母俱故並無兄弟妻子據薛盈供年二十一歲父母俱故並無兄弟妻子又據同供上年四月初三日族人薛鄒來邀小的們要與林姓爭水打架小的們都是空手同去實只在場附和並未持械傷人是實

據林協邦林冒同供上年四月初三日小的們同已死的林湊們在公共水圳放水被薛鄒邀他族人薛明鑿們三十多人來爭水打架小的族中不曾防備被薛明鑿們將林湊們十六人打傷先後身死小的族中只有林樵打死了薛爽一人那時小的林協邦也被薛執用尖挑戳傷左腿小的林冒也被薛報用尖挑戳傷左胳膊如今傷俱平復小的們並無打傷薛姓的人至現在供認的薛明鑿等俱是正兇並無錯悞是實

據林袒供已死林湊是小的胞姪實係被薛明鑿用刀砍死據林飲供已死林邊是小的弟郎實係被薛真用刀砍死據林古供已死林利是小的胞兄實係被薛院用尖挑戳死據林鐵供已死林荖是小的弟郎實係被薛蠓用刀砍死據林紅供已死林弁是小的堂弟實係被薛笨用刀砍死據林佑供已死林顯

林仲都是小的姪孫林顯係被薛才用刀砍死林仲係被薛吟用刀砍死據林熙供已死林帶是小的父親實係被薛陶用錐戳死據林樣供已死林透是小的弟郎實係被薛參用刀砍死據林恭供已死林添是小的弟郎實係被薛一用刀砍死據林滿供已死林什是小的姪孫實係被薛樹用尖挑戳死據林物供已死林柔是小的弟郎實係被薛啓用尖挑戳死據薛配供已死薛爽是小的堂弟實係被林樵用竹銃打死又同供林濫林茁林冉林項各屍親或係婦女或係因病不能到案他們的兇手也都真切小的們是知道的并無頂認的事如有頂冒小的們爲什麼肯依呢只求究償願甘具結是實

據鄧廷輯供參員係參革福州府知府長泰縣民薛林二姓械鬪致死十七命一案參員於上年六月內奉劉大懿詳委審辦奉發縣招圖格到府參員隨提犯研審據兇犯薛明馨等各供行兇致死情形招認不諱惟屍親堅執薛缺爲正兇又其時糾衆首犯薛鄒尙未解到經參員具稟劉鹽道請提薛缺等到省質訊奉批飭提有案八月內據該縣解到首犯薛鄒適參員卓異進京將人犯卷宗移交署任知府繆暉吉接辦以後錢臬司如何抽匿院司案卷如何將人

犯發回參員已經進京實不知道本年五月參員回任所有府卷又准繆知府移交收明現在參員又移交新任袁知府接收并無扶同抽匿可以弔查今蒙審出錢臬司有作弊等事參員已經赴京毫不知情所具親供是實

據繆暉吉供我是現任建寧府知府長泰縣薛林二姓械鬪致死十七命一案先經代辦臬司劉大懿於六月十七日飭委鄧廷輯審辦兇犯薛明鑾等雖各供認惟屍親堅指薛缺爲正兇并爲首之薛鄒未到稟請提犯來省質審旋即卸事卑府於乾隆五十九年九月十三日調署福州府准鄧守移交犯卷接審各犯供詞悉與鄧守所審無異請就現犯審辦臬司錢受椿總以兇手不確不肯提審因屢次票催提犯忽於十二月二十八日錢臬司將人犯發回漳州府審辦錢臬司如何抽匿院司卷宗卑府實不知情所有府卷先經移交後任謹密收貯並無扶同抽匿可以弔查卑府如有迎合錢臬司及通同抽卷的事就不該稟催提人也不該將府卷仍入交代求詳情

乾隆六十年十月初二日內閣奉上諭據長麟等奏漳泉二府屬田禾自八月
中旬以後缺少雨澤漳州府屬之漳浦詔安龍溪海澄等四縣於八月間潮水
陡漲低田間被鹹水淹浸等語漳泉二府屬上年曾經被水本年早收雖屬豐
稔但自八月以來田禾缺雨而漳州府屬之漳浦等縣沿海田禾復被潮水淹
浸收成歉薄若照舊開徵民力恐不無拮据著加恩將漳州泉州二府屬本年
應徵錢糧緩至來年秋收後徵收以示體恤現在魁倫已親赴該二府屬查勘
並著該署撫妥爲撫恤一面酌給口糧量加接濟並設法平糶催運商米無使
一夫失所以副朕軫念閩閩有加無已至意該部卽遵諭行欽此

廷寄四

大學士公阿大學士伯和字寄署閩浙總督長署福建巡撫魁乾隆六十年十
月初二日奉上諭長麟等奏五六月間正值臺灣甫定之際加以米價昂貴民
氣未寧且省中并無候補試用人員若即將虧空各員紛紛審訊不但州縣同
時無官猾吏奸民必致乘機滋事等語該省從前既有此等情節長麟等何不

早行奏明現在虧缺州縣二十五員已押解到省該署督等當即督同藩司將虧空一案趕緊清釐據實查辦以期速結勿再遲延回護又據另摺奏漳泉一帶被旱恐致成災及漳浦等縣沿海田禾被淹一摺漳泉二郡上年曾被水淹今又因缺雨減收而漳浦等縣復因潮水倒漾淹及田禾若待勘明再降恩旨未免較遲已卽先降諭旨緩徵魁倫現親往該處著該撫卽將此旨遍貼謄黃並妥爲查辦福建氣候冬令尙煖儘可成熟著魁倫在彼董率地方官勸諭被旱被淹各處百姓上緊補種冬麥其有力量不能者卽酌借籽種俾無誤耕作此爲最要至漳泉二府向來民風刁悍今連年旱澇成災自係伊等乖戾所致該撫並當曉諭該處百姓不可稍涉怨尤惟應共知儆惕亟思湔悔勉爲良善以期感召甘膏被淹田畝是否全行涸出補種該處米糧如何設法調劑催縣會否得有甘膏被淹田畝是否全行涸出補種該處米糧如何設法調劑催運臺灣商米接濟俾市價不至增昂之處速行六百里馳奏以慰廛念欽此遵旨寄信前來

長麟摺三

署浙閩總督臣長麟跪奏爲遵旨即速回奏事本年九月二十四日欽奉上諭伍拉納浦霖在督撫任內得受鹽規及抽詳銷案等欺疊經降旨令長麟等嚴查確審迅速具奏矣但思長泰縣械鬥一案在府縣等妄拿報解希圖邀功尙屬事之所有至錢受椿係好事見長之人于人犯解省後既經審非正兇卽應據實稟明督撫詳揭請參伊亦可以見長討好何以轉爲之求抽卷案致案隔一年拖斃十命之多若非袒護屬員受賄交結何值擔此重大干係伍拉納浦霖於臬司請稟抽卷時自應一面據實參辦一面嚴飭另緝正兇方爲正辦朕必加之獎諭何以計不出此輒聽錢受椿所請即將原卷發還其故實不可解若謂無得受賄囑串通分肥情事夫誰信之至閩省各屬虧空爲數至二百餘萬伍拉納浦霖從前總未查明據實具奏若謂伍拉納等在閩時於得受鹽規之外與各屬毫無需索沾染又何肯代爲隱瞞獨擔干係殊非情理著再傳諭長麟等提訊錢受椿於抽卷一事究竟如何聽受囑托得收賄賂伍拉納等如何輒允所請染指朋分之處逐一切實訊明毋任稍有狡展其通省虧空伍拉

納等因何意存諱飾作何聽情受賄無難嚴訊各屬水落石出及此外各款有情節未能符合不實不盡之處俱著長麟等嚴審確查務得實在情節迅速一併定擬據實具奏毋得稍有瞻顧遲延致干重咎至伍拉納浦霖任所貲財已經降旨查抄卽此時伊二人家屬業已起身平日所厚屬員及信用之家人等難保無代爲隱寄情事並著長麟等嚴密訪查毋任稍有透漏再閩省拿獲在浙劫奪官米之犯所有盜犯林發枝蔡大等二犯尙未弋獲已令長麟等實力督拿現在曾否就獲並著速奏將此由六百里加緊諭令知之卽速迴奏欽此遵旨寄信前來查此案業經臣會同魁倫究出錢受椿得受知府全士潮知縣顧揆朝珠金兩等物並伍拉納浦霖得受廈門同知黃奠邦餽送銀兩之處恭摺由驛奏聞在案魁倫拜摺後卽日馳赴漳泉勘災臣長麟復提錢受椿嚴加審訊堅供除收受全士潮顧揆禮物之外並無另有婪索營私之處飾情狡賴不吐實供臣當將虧空各員先後提出逐加詢問諭以汝等如能將伍拉納浦霖錢受椿等需索勒索之處據實供出不惟汝等出錢之人照例不坐併可寬免本身虧空罪名反覆開導據已參知縣姚鶴齡供稱參員前在汀州府上杭

縣任內有每年應交截曠兵米一二百石不等各任糧道均係照例收米惟錢受椿在糧道任內不許交米每米一石要折錢三千二百文外加番銀一元致我賠銀四百餘兩又參員在侯官縣任內有向糧道應領還倉米石錢受椿亦不照例發米每石折發錢一千八百文令我自行買補那時市價每石需錢二千六百文又致我賠錢一千六百餘千這是實情等語臣以錢受椿既在糧道任內折收肥己必不止姚鶴齡一縣當將糧道衙門書吏傳到案細加盤詰據供糧道衙門惟上杭武平二縣及汀軍廳每年俱有應交截曠兵米自數十石至數百石不等向係照例交米惟錢受椿在任三年係向州縣折收銀錢所收米價除買米補倉外計錢受椿任內實浮收過錢二千三百餘千番銀二千三百餘元不敢代爲欺飾等語又據已革知府張大本供認錢受椿曾向索過雲狐乾尖褂統紫碧霞璽朝珠滇玉蓋碗等件又據已革同知黃奠邦供認錢受椿曾收過自鳴鐘蜜臘朝珠大呢羽緞等件又據已革知縣史恒岱供認錢受椿收過玉招文帶玉帶鈎等件又府經歷楊瑚供認錢受椿收過嵌玉如意一對又據張大本史恒岱楊瑚同供伍拉納浦霖從未向參員要過東西參員們

也從未送禮不敢妄供各等情當提錢受椿與各參員當堂互質錢受椿無可狡抵俯首供認復詰以你既敗檢踰閑不知自愛收受屬員餽送亦斷不止此數處令其一一指實據錢受椿供稱每逢年節生壽屬員送我禮物者甚多我收受的東西實亦不少今蒙訊問亦斷不容我狡賴惟日久案多何人饋送何物我實在記憶不清等語復提按察司東房吏役令其據實指出送禮各員姓名並掌嘴跪鍊加以刑夾據書役楊邦太吳開雲等僉供錢受椿收受屬員禮物吏役等不敢代爲隱瞞惟要供出何人饋送何物錢本官惟恐敗露從不許小的們登記號簿無憑記憶供指臣復密委營員分赴各吏役公所私寓逐細搜查委無存留號簿屬實臣復向錢受椿詰以你如此貪婪縱慾伍拉納浦霖豈竟毫無見聞若不與你通同分肥何肯縱容你一人肥橐據堅供伍拉納浦霖實因錢受椿捏稱兇手不確巧辭朦稟恐留犯在省致受遲延處分伍拉納浦霖誣信爲實亦意在消弭心存規避是以准將原卷撤回委無通同分肥情弊查錢受椿身任大員乃敢敗壞官方既經藉案索財折收米石復收受屬員餽送多至不能記憶實出情理之外除彙同械鬥各犯從重定擬卽于此次附

驛另摺具奏併欽遵諭旨嚴查伍拉納浦霖錢受椿等有無干所厚屬員及信
用之家人隱匿寄頓另辦外至諭旨內垂詢行劫浙江官米之盜首林發枝蔡
大曾否緝獲一節查閩省洋面經臣等派委鎮將大員帶同兵役眼線鄉勇每
起配船三四十隻至五六十隻不等節節巡緝委無一日稍懈現在閩省洋面
較前稍覺寧靜臣並會同魁倫另購妥綫囑以計誘林發枝自行投首隨官捕
盜如能將海洋盜匪搜拿淨盡不惟寬免林發枝之死罪即計誘之綫民人等
亦必一體懋膺功賞各綫民俱已踴躍分投密辦力擒與計誘兼施務期迅速
就獲不致久任縱颺現據長樂縣拿獲素代林發枝消贓之李才化曹強強二
名據供林發枝于七月內曾在閩洋八月二十日以後又竄赴浙江洋面我等
即係要尋往浙江給林發枝送竹筴鐵叉酒食等物去致被拿獲的等語除飛
咨浙江江南廣東山東一體嚴緝外李才化等究係一面供詞殊難憑信臣等
惟有督飭閩浙舟師上緊查拿一經緝獲立即飛章馳奏謹此會同署撫臣魁
倫恭摺先行覆奏並繕供單敬呈御覽伏乞皇上睿鑒謹奏乾隆六十年十月
十四日奉硃批已有旨了欽此 十月初二日

供軍

據姚鶴齡供我係已革上杭縣知縣從五十六年到上杭縣任那時錢受椿還是糧道我每年有應解糧道衙門截曠米一二百石不等錢受椿不肯收米勒令折價每石要折錢三千二百文外加番銀一元我於市價之外多賠銀四百餘兩到五十七年我委署侯官縣錢受椿因借動侯官縣倉米支放兵糧後因撥米還倉錢受椿又不發米仍發價交我自行買補那時省城米價每石需錢二千六百文錢受椿只肯每石發價錢一千八百文又逼勒我每石賠錢八百文應買補米二千餘石共賠過錢一千六百餘千移交後任買補這是實情可以質對的是實

據胡璉江城同供小的俱係糧道衙門書辦充當有十餘年了糧道衙門應收米石俱係收米從無折價的事惟有汀州府屬之上杭武平二縣及汀軍廳每年有應交截曠兵米自數十石至數百石不等因各該處溪河險窄輓運維艱向係派令家丁賚銀赴省買米交倉各任亦係照例收米并無折價至錢受椿自五十五年五月到任起至五十八年四月止將上杭武平汀軍廳三處應交

截曠米石俱令折價每石折錢三千二百文另外貼番銀一元除買米補倉每石需錢二千二百文不等三年以來共浮收有折價錢二千三百餘千番銀二千三百餘元此外並無別項浮收不敢混供所供是實

據張大本供參員由雲南同知陞授福建泉州府於去歲十二月初六日到省聞得前任錢臬司辦事刻薄屬員無不畏懼錢臬司見了參員係由雲南陞任到閩向參員勒索乾尖褂一件紫碧霞璽朝珠一串雲南玉碗一對參員初到閩省恐不如其意必致將來遇事苛求不敢不送實非出自情願這是實話敢與錢臬司對質是實

詰問爾從雲南來閩既送臬司朝珠玉碗皮褂等物督撫司道均在同城必係一體饋送斷無專送臬司不送別衙門上司之理據實供來

又供參員初到閩省督撫司道原不敢冒昧饋送實因錢臬司向我索取纔敢送他實是恐他遇事挑剔不得不允至其餘上司並沒向我要過東西我也沒有送過如今既將送過臬司的事據實供出如有送過別的衙門的事豈有不併供出求詳情

據黃奠邦供我在廈門同知任內除饋送督撫規禮銀兩之外因錢臬司利害刻薄送他禮物是有的他收過我烏木自鳴鐘一對蜜蠟朝珠一盤大呢羽緞共四版不敢狡賴是實

據史恒岱供參員在福鼎縣任內曾送錢受椿表禮當蒙收過舊玉招文帶一件白玉帶鈎一件後因無力總未送禮錢受椿相待亦甚平常五十八年參員在同安縣任內因孫愛命案就被參了所供是實

據楊瑚供我係邵武府經歷我於乾隆五十七年間在署大田縣任內因公來省錢臬司在糧道任內出嫁姑娘我送過嵌玉三鑲如意一對此外並無饋送別物是實

又據張大本史恒岱楊瑚同供參員們實因錢臬司利害刻薄人人害怕參員們送他些東西不過求免斥辱並無別項營求至別衙門上司從未向參員們要過東西參員們也從未送過禮物不敢妄供

據錢受椿供我前在糧道任內撥動侯官縣倉穀支放入旗兵米後因買米還倉我每石發給錢一千八百文交給前署侯官縣姚鶴齡自行買補其時有無

賠墊我實在不知今據供轉交後任雷元運每石要他二千六百文是以每石賠錢八百文這就是我的不是了至上杭武平汀軍廳三處有應交糧道衙門截曠兵米自數十石至數百石不等因沿途溪河窄小運繳艱難且米色又不純淨難以久貯他們每米一石折錢三千二百文外加番銀一圓是實有的事此項折收米價總於米價低賤時買補我在任三年計多出錢二千三百餘千番銀二千三百餘元我俱侵收入己也是實情又我在臬司任內每遇年節生壽屬員送我表禮水禮是常有的事我只記得泉州府張大本自雲南到省送過我乾尖褂套統一件滇玉碗一對紫碧霞璽朝珠一盤又廈門同知黃奠邦於我陞任藩司進京時送過我烏木自鳴鐘一對蜜蠟朝珠一盤大呢羽緞四版又收過署福鼎縣史恒岱招文帶一件玉帶鈎一件又收過署大田縣楊瑚三鑲如意一對其某人致送何物實在不能記憶了我身任司道大員不知潔己自愛辜負天恩惟求治罪況我已將收受屬員饋送之處據實供認就不肯說出送禮的姓名我也不能減罪又何必多此一番狡飾呢求詳情

詰問爾在司道任內既有折收糧米及收受屬員饋送的事伍拉納浦霖近在

同城豈有毫無聞見之理若不與你通通分肥何肯縱容你一人肥橐據實供來

又據錢受椿供我在糧道任內各屬所收糧米俱係府縣就地支放並不解省僅有延建邵三府應解八旗兵米共計有二萬九千石應交糧道衙門俱是實收實支惟上杭武平汀軍廳截曠米石因道遠費重折價代買他們樂從並無議論伍拉納浦霖俱不得知道至後來陞任臬司審辦案件我不避嫌怨伍拉納浦霖俱尚倚信每逢生日節下或有收受屬員禮物伍拉納浦霖實是不知道的就是知道也不值與我分肥况他們現俱解京我還敢替他們隱瞞不怕京裏問出麼

清道光朝關稅案

廣 泰摺

杭州織造奴才廣泰跪奏爲南新關一年徵稅期滿循例奏聞仰祈聖鑒事竊照南新關專徵竹木等項稅銀每年額徵銀三萬二百四十七兩五錢經費銀三千九百二十二兩一分九厘除照例在於北新關盈餘項下撥補銀四千兩外實應徵銀三萬一百六十九兩五錢一分九厘自嘉慶二十五年五月十八日上屆報滿之日起扣至道光元年五月十七日止一年期滿例應考核奏報奴才伏查前陞任撫臣陳若霖自嘉慶二十五年五月十八日起至道光元年二月十二日卸事止奴才於二月十三日接徵起至五月十七日止合計一年期滿共徵收正耗銀二萬八千八百二十四兩二錢五分一厘循照向例於北新關盈餘項下撥補銀四千兩尙不敷銀一千三百四十五兩二錢六分八厘業經按額補足貯庫統俟北新關期滿一并委員解部投納除恭疏題報外理合繕摺具奏伏乞皇上聖鑒謹奏道光元年六月十四日奉硃批知道了欽此

五月二十三日

阿爾邦阿摺

奴才阿爾邦阿跪奏爲恭報起解關稅盈餘銀兩仰祈聖鑒事竊照粵海關每年起解正雜銀兩例應分欸具摺奏報茲查奴才管理壬午年分關稅自嘉慶二十四年十月二十六日起至二十五年十月二十五日止一年期內共徵銀一百四十七萬九千八百二十兩一錢二厘于上年關期報滿時將徵收總數恭摺奏明在案茲當委員起解應將收支實數分晰造報查壬午年分共徵銀一百四十七萬九千八百二十兩一錢二厘內正項盈餘銀八十六萬五千五十三兩三錢九分八厘除循例支出正項銀四萬兩銅斤水腳銀三千五百六十四兩移交藩庫取有庫收送部查核外又於本年正月初十日承准戶部劄知酌撥湖北省辛巳年兵餉案內撥粵海關稅銀一十五萬兩又湖南省辛巳年兵餉案內撥粵海關稅銀二十萬兩均經委員起解清楚除會同兩廣督臣阮元另疏題報外尙存正羨銀四十七萬一千四百八十九兩三錢九分八厘又雜羨盈餘銀六十一萬四千七百六十六兩七錢四厘除支出通關經費養

廉工食及鎔銷折耗等銀四萬四千七百四十四兩三錢八分五厘又支出解
交造辦處裁存備貢銀五萬五千兩又支出動支報解水脚銀四萬六千六百
一十七兩七錢四分一厘部飯食銀三萬六千六百二十六兩六錢四分三厘
尙存雜羨銀四十三萬一千七百七十七兩九錢三分五厘共存解部正雜盈
餘銀九十萬三千二百六十七兩三錢三分三厘動支報解水脚銀四萬六千
六百一十七兩七錢四分一厘部飯食銀三萬六千六百二十六兩六錢四分
三厘又應解造辦處裁存備貢銀五萬五千兩又另欸洋商備繳辦貢銀五萬
五千兩又另解平餘罰科截曠等銀九千七百二十兩三錢五分三厘查此項
平餘等銀係遵照戶部奏准於奏銷盈餘摺內按數剔除入於本案報銷不歸
併盈餘項下再查粵海關解部稅銀每千兩向有加平銀十五兩添入鞘內今
撥解湖北省兵餉銀十五萬兩又撥解湖南省兵餉銀二十萬兩所有加平銀
兩毋庸添入計溢出添平銀五千二百五十兩一並另欸解赴戶部以清年欸
合併聲明除循例恭疏題報並按欸備具文擬於道光元年五月二十等日委
員分批解起戶部及造辦處分別交納外所有壬午年分關稅收支存解數目

理合繕摺具奏伏乞皇上聖鑒謹奏道光元年六月二十二日奉硃批該部院知道欽此
五月十七日

上諭

道光元年六月二十二日奉旨達三著調補粵海關監督淮關監督著阿勒精阿去仍帶三品卿銜欽此

嘉 祿摺

奴才嘉祿跪奏爲奏明事嘉慶二十四年十月二十一日接准兵部火票遞到戶部行文奏撥濟墅關稅銀一十一萬兩迅即派委委員解赴河南武陟工次以濟要需等因查嘉慶二十四年六月初三日起新季徵存稅銀內先經湊撥豫省河工銀二萬五千五百九十五兩八錢九分三厘奴才於奉文後當即照數動撥咨委委員於十一月起解交收又於二十五年正月初二日接准兵部火票遞到戶部行文題撥濟墅關稅銀二十萬兩協解甘肅庚辰年兵餉限四

月內完解一半九月內全完等因查自嘉慶二十四年六月初三日起至二十五年正月初二日止共收稅銀二十一萬七千七十兩四錢三分六厘除先經湊解豫省河工銀二萬五千五百九十五兩八錢九分三厘又續解武陟工次銀一十一萬兩並照例支給各款外維時止存堪撥銀五萬五千兩計尙不敷一半之數奴才以兵餉緊要暫於解京各款銀內借動銀四萬五千兩湊足銀一十萬兩先行委員於二十五年二月解往其應行找解銀一十萬兩續收商稅至上年六月間計存銀六萬兩數尙未敷仍借動解京各款銀四萬兩湊足銀一十萬兩即又委員於六月內遵限解交均經報明戶部并已將借動銀兩續收歸款在案伏查濟甯關餉銀解部每千兩例於盈餘項下隨解加平銀二十七兩五錢今撥解豫省河工甘肅兵餉係用司砒彈兌每千兩止須加平銀一十一兩五錢共用銀三千五百六十五兩應扣存銀四千九百六十兩又關餉解部例有隨解飯食今扣存正額盈餘飯銀六千六百五十五兩七分七厘又飯銀解部例有隨解補平銀兩今扣存補平銀八十三兩一錢八分九厘又起解關餉例有水脚路費木鞘繩布等項今動撥河南甘肅餉銀路途較遠木

鞘繩布照例動給其水脚路費例不開支查此欸係按季開銷今於嘉慶二十四年六月初三日起至二十五年六月初二日止一年四季動撥銀兩項下按計核扣計扣存銀四百八十兩以上四項通共扣存銀一萬二千一百七十八兩二錢六分六厘查歷次動撥扣存平飯等銀俱經奏准歸入織造衙門辦差項下同餘剩辦差銀兩解交內務府查收在案所有此次餘存銀一萬二千一百七十八兩二錢六分六厘應請照例同嘉慶二十五年分辦差餘剩銀兩一併解交內務府查收清欸除將扣存銀數報明戶部查核外理合恭摺具奏伏乞皇上睿鑒謹奏道光元年六月二十六日奉硃批該衙門知道欽此 六月初一日

上諭

道光元年七月十三日內閣奉上諭嘉祿奏關稅一年期滿短收盈餘銀兩請照數分賠並自請議處一摺此次滄墅關盈餘額內少收銀三萬九千八百六十六兩零著嘉祿及署任陳桂生各按經徵月日分別賠繳嘉祿自請議處之

處著加恩寬免欽此

上諭

道光元年八月初一日奉旨崇文門正監督著松筠去副監督著博起圖去欽此

晉昌摺
舒明阿摺

奴才晉昌舒明阿跪奏爲奏聞徵收稅務銀兩數目仰祈聖鑒事竊奴才等蒙恩管理崇文門稅務自嘉慶二十五年八月初三日徵收商稅起至道光元年八月初二日止計十二個月一任期滿收正額銀十萬二千一百八十七兩五錢六分二厘收盈餘銀十八萬八千四十一兩九錢五分八厘統計共收正額盈餘銀二十九萬二百二十九兩五錢二分較比最多之嘉慶十一年無閏月足額年分少收盈餘銀二萬四千六百四十三兩四錢奴才等詳加查察今年南來綢緞并各項客貨到京甚少直隸所產烟布燒酒又未能及時運京以致

錢糧較少究係奴才等辦理不善應請旨將奴才等交部分別議處所有少收盈餘銀二萬四千六百四十三兩四錢請遵照嘉慶十五年戶部奏定之例各關經徵稅銀一年期內將短少銀兩按各員在任月日勻攤賠繳前任正監督奴才和世泰自嘉慶二十五年八月初三日任事至十二月初三日離任扣足小建計四個月按日勻攤應賠交少收盈餘銀四千一百七十六兩八錢四分七厘前任副監督奴才百順自二十五年八月初三日任事至十月二十六日離任計兩個月零二十四日應賠交銀二千九百二十三兩七錢九分三厘奴才晉昌自二十五年十二月初四日到任至八月初二日滿任計七個月零二十四日應賠交銀八千一百四十四兩八錢五分一厘奴才舒明阿自二十五年十月二十七日接任至八月初二日滿任之期計九個月應賠交銀九千三百九十七兩九錢九厘惟此次少收盈餘銀兩爲數較多合無仰懇皇上天恩或按奴才等在任月日勻攤照例分限賠繳或將奴才等俸廉坐扣庶不致課額有虧恭候命下之日奴才等咨明戶部轉行各該員自行遵照完繳歸欵至所收正額盈餘銀兩除官用開銷外照例解交戶部再徵收海淀藥材燒酒餘

銀五千四百三十三兩一錢二分一併解交戶部今當一任期滿理合將徵收
及各項開銷銀兩數目繕單進呈伏乞皇上訓示遵行謹奏請旨道光元年八
月十一日

魏元煜摺

江蘇巡撫臣魏元煜跪奏爲江海關徵收溢額稅課銀兩儘收儘解循例恭摺
具奏仰祈聖鑒事竊照各關盈餘銀數前于嘉慶四年欽奉上諭酌中定制分
別核減定額之後倘各關每年盈餘于新定之數再有短少著落賠補如于定
數或有多餘亦即儘收儘解其三年比較之例永行停止等因欽此竝奉欽定
江蘇江海關盈餘銀四萬二千兩又于嘉慶五年恭奉上諭嗣後各處所征關
稅盈餘銀兩如較新定額數實有加增即當據實報出倘稍有隱匿征多報少
必將該管之員照律治罪等因欽此欽遵在案今江海關稅務自嘉慶二十五
年七月初一日起至道光元年六月底止已屆一年期滿飭據委管江海關事
蘇松太道龔麗正詳報該道管關任內一年期滿共征收稅鈔銀七萬三千六

百五十六兩六錢七分九厘臣覆加查核該關征收稅鈔除正額銅劬脚價銀
 二萬三千九百八十兩零並應解盈餘銀四萬二千兩外仍多餘銀七千六百
 七十六兩零臣即飭儘數分別報解以重國課除飭將支解各款行令分別查
 明詳咨外理合循例恭摺具奏伏乞皇上聖鑒謹奏道光元年八月十四日奉
 硃批知道了欽此

七月二十六日

臣等謹將該關前經臣等奏准在案各款開列於左
 一、銅劬脚價銀四萬二千兩
 二、盈餘銀七千六百七十六兩零
 三、正額銅劬脚價銀二萬三千九百八十兩零
 四、應解盈餘銀四萬二千兩
 五、正額銅劬脚價銀二萬三千九百八十兩零
 六、盈餘銀七千六百七十六兩零
 七、正額銅劬脚價銀二萬三千九百八十兩零
 八、盈餘銀七千六百七十六兩零
 九、正額銅劬脚價銀二萬三千九百八十兩零
 十、盈餘銀七千六百七十六兩零
 十一、正額銅劬脚價銀二萬三千九百八十兩零
 十二、盈餘銀七千六百七十六兩零
 十三、正額銅劬脚價銀二萬三千九百八十兩零
 十四、盈餘銀七千六百七十六兩零
 十五、正額銅劬脚價銀二萬三千九百八十兩零
 十六、盈餘銀七千六百七十六兩零
 十七、正額銅劬脚價銀二萬三千九百八十兩零
 十八、盈餘銀七千六百七十六兩零
 十九、正額銅劬脚價銀二萬三千九百八十兩零
 二十、盈餘銀七千六百七十六兩零
 二十一、正額銅劬脚價銀二萬三千九百八十兩零
 二十二、盈餘銀七千六百七十六兩零
 二十三、正額銅劬脚價銀二萬三千九百八十兩零
 二十四、盈餘銀七千六百七十六兩零
 二十五、正額銅劬脚價銀二萬三千九百八十兩零
 二十六、盈餘銀七千六百七十六兩零
 二十七、正額銅劬脚價銀二萬三千九百八十兩零
 二十八、盈餘銀七千六百七十六兩零
 二十九、正額銅劬脚價銀二萬三千九百八十兩零
 三十、盈餘銀七千六百七十六兩零
 三十一、正額銅劬脚價銀二萬三千九百八十兩零
 三十二、盈餘銀七千六百七十六兩零
 三十三、正額銅劬脚價銀二萬三千九百八十兩零
 三十四、盈餘銀七千六百七十六兩零
 三十五、正額銅劬脚價銀二萬三千九百八十兩零
 三十六、盈餘銀七千六百七十六兩零
 三十七、正額銅劬脚價銀二萬三千九百八十兩零
 三十八、盈餘銀七千六百七十六兩零
 三十九、正額銅劬脚價銀二萬三千九百八十兩零
 四十、盈餘銀七千六百七十六兩零
 四十一、正額銅劬脚價銀二萬三千九百八十兩零
 四十二、盈餘銀七千六百七十六兩零
 四十三、正額銅劬脚價銀二萬三千九百八十兩零
 四十四、盈餘銀七千六百七十六兩零
 四十五、正額銅劬脚價銀二萬三千九百八十兩零
 四十六、盈餘銀七千六百七十六兩零
 四十七、正額銅劬脚價銀二萬三千九百八十兩零
 四十八、盈餘銀七千六百七十六兩零
 四十九、正額銅劬脚價銀二萬三千九百八十兩零
 五十、盈餘銀七千六百七十六兩零
 五十一、正額銅劬脚價銀二萬三千九百八十兩零
 五十二、盈餘銀七千六百七十六兩零
 五十三、正額銅劬脚價銀二萬三千九百八十兩零
 五十四、盈餘銀七千六百七十六兩零
 五十五、正額銅劬脚價銀二萬三千九百八十兩零
 五十六、盈餘銀七千六百七十六兩零
 五十七、正額銅劬脚價銀二萬三千九百八十兩零
 五十八、盈餘銀七千六百七十六兩零
 五十九、正額銅劬脚價銀二萬三千九百八十兩零
 六十、盈餘銀七千六百七十六兩零
 六十一、正額銅劬脚價銀二萬三千九百八十兩零
 六十二、盈餘銀七千六百七十六兩零
 六十三、正額銅劬脚價銀二萬三千九百八十兩零
 六十四、盈餘銀七千六百七十六兩零
 六十五、正額銅劬脚價銀二萬三千九百八十兩零
 六十六、盈餘銀七千六百七十六兩零
 六十七、正額銅劬脚價銀二萬三千九百八十兩零
 六十八、盈餘銀七千六百七十六兩零
 六十九、正額銅劬脚價銀二萬三千九百八十兩零
 七十、盈餘銀七千六百七十六兩零
 七十一、正額銅劬脚價銀二萬三千九百八十兩零
 七十二、盈餘銀七千六百七十六兩零
 七十三、正額銅劬脚價銀二萬三千九百八十兩零
 七十四、盈餘銀七千六百七十六兩零
 七十五、正額銅劬脚價銀二萬三千九百八十兩零
 七十六、盈餘銀七千六百七十六兩零
 七十七、正額銅劬脚價銀二萬三千九百八十兩零
 七十八、盈餘銀七千六百七十六兩零
 七十九、正額銅劬脚價銀二萬三千九百八十兩零
 八十、盈餘銀七千六百七十六兩零
 八十一、正額銅劬脚價銀二萬三千九百八十兩零
 八十二、盈餘銀七千六百七十六兩零
 八十三、正額銅劬脚價銀二萬三千九百八十兩零
 八十四、盈餘銀七千六百七十六兩零
 八十五、正額銅劬脚價銀二萬三千九百八十兩零
 八十六、盈餘銀七千六百七十六兩零
 八十七、正額銅劬脚價銀二萬三千九百八十兩零
 八十八、盈餘銀七千六百七十六兩零
 八十九、正額銅劬脚價銀二萬三千九百八十兩零
 九十、盈餘銀七千六百七十六兩零
 九十一、正額銅劬脚價銀二萬三千九百八十兩零
 九十二、盈餘銀七千六百七十六兩零
 九十三、正額銅劬脚價銀二萬三千九百八十兩零
 九十四、盈餘銀七千六百七十六兩零
 九十五、正額銅劬脚價銀二萬三千九百八十兩零
 九十六、盈餘銀七千六百七十六兩零
 九十七、正額銅劬脚價銀二萬三千九百八十兩零
 九十八、盈餘銀七千六百七十六兩零
 九十九、正額銅劬脚價銀二萬三千九百八十兩零
 一百、盈餘銀七千六百七十六兩零